



07209

明文奇賞卷十一目次

楊士奇

序

桂巖集序

送蕭善本序

萬木圖序

送張鳴玉序

送李永懷歸東序

送族孫朋遠訓導序

疏

明又奇賞

卷十一目次

開經筵疏

記

滁州重建醉翁亭記

石岡書院記

重修文丞相祠記

題跋

書呂少卿所藏戒石銘後

題贈劉士皆詩卷後

題仁廟御製詩後

題朱文公墨蹟後



石徂徠集

劉球

記

南思堂記

李賢東王勣碑帝封

碑銘

靖遠伯王公驥神道碑銘

劉定之

疏

登極建言疏

明文奇賞

卷二目次

二

議

議劉靜修薛文清從祀

論

王安石行新法

歐陽修卒詔求其所五代史

李康王構即帝位

序

文山詩史序

贊

文昌帝君像贊

章綸

疏

養聖躬勤政論惇孝義疏

韓雍

疏

請謚宋臣文天祥謝枋得疏

陳獻章

傳

一峰先生傳

文杏錄一袖文

明文奇賞

卷二目次

告羅一峰文

三

刺鳳章

請益宋臣文天祥謝枋得疏

韓雍

養聖躬勤政論惇孝義疏

韓雍

章綸

明文奇賞卷之十一

史官陳仁錫明卿甫評選

序

桂巖集序

楊士奇

士大夫讀此不爲元元與利去害無自者

襄府紀善三衢江秉心錄其先世科名并所受賜詩及行實遺文而附以當時名勝之文有關於江氏者爲一鉅册名桂巖集桂巖江氏家世所居也以屬余序余受而閱之曰嗚呼其盛矣哉昔者江氏世有聞人瑕丘之經學次翁之巨孝應元文通之文章皆焯焯著稱而近數百年來江氏文獻特見衢睦間民表以正言直道動

明文奇賞

卷之一

一

當世子遠以文學德望位宰相死國難皆盡忠所事焜耀簡册而族人自宋以來擢正科七十有七人他岐進者不與仕而紆金紫銀青七十有八人下此者不與何其盛也蓋吾有感於其先矣錢氏奄有吳越江之先曰漢臣實事之吳越習俗侈靡費用無藝不足又益取於民其田賦市租山林川澤之稅加數倍宋既平諸國賦稅亦仍其故籍錢之歸朝也以漢臣上圖籍漢臣慮故籍之厲民無已也沈諸河而自劾太宗怒欲誅之已而舍之凡隨錢氏來歸者皆得官獨漢臣以廢斥死後命右補闕王承均吳越田稅錢氏舊稅畝五十承更定爲

一斗還奏太宗不悅永曰畝稅一斗天下之中正使新附之民被朝廷仁恩顧不可耶遂從永所定永曾孫珪官至金紫光祿大夫尚書左僕射封岐國公世以爲永陰德之應事見史傳永之減稅本於漢臣之沉籍其德同斯其後世光榮盛大亦無以異矣嗚呼爲國重得民心故春秋有稅畝之譏國風存碩鼠之刺而馮讜爲孟嘗折券書尹鐸爲晉陽損戶數仁者輔人家國一務捐利以得民也以德益乎上以惠益乎下天道福善雖遠不爽然則江氏之盛吾安得不推本其先哉秉心上距漢臣十五世距子遠五世初以文學擢司經正字與余同事

仁宗皇帝於春官秉心特荷知遇後擢爲紀善江氏之福澤其未艾也哉其未艾也哉

送蕭善本序

自余來京師十有五年於文溪武山之域父兄之鄉吾少壯出入嬉遊之處未嘗不在余懷也而遭逢

聖明叨職近侍恩眷隆厚然材薄識陋不能效纖芥報稱日懷愧惕之不暇顧敢言其私哉而比年鄉人親交有至京師而過余者昔之壯者皆已蒼顏而華顛矣昔之童丕者皆已翹然楚楚矣而敬問吾父之執焉益淪

文生于情
公情至之
人也

謝既盡不能不嘅焉。怛悵也。前三十年余所往還講學
今存者不三四人。幸皆仕京師。時得聚處。討論相益。以
寬鄉邑之思。善本亦當時所與。還往者近歲始來。爲太
學生。無幾。輒以使命出。再歲而還。還數日。又以展省歸。
未嘗一得從容盡意也。臨別能無情乎。雖然。子歸而過
縣門之南。徘徊龍洲。歎嘉應之不爽。而觀於其人。復有
繼今而起者乎。又過高渥。而試聽焉。將有鏗然。噌吰而
出者哉。又南望三顧之山。而物色焉。復有繼蕭清節。高
風遠躅者乎。有之。而賢者將出其門乎。其必有以慰余
之思。萬木圖序

明文奇賞

卷之十一

三

萬木圖序

可以勸施
可以勸受
病者

萬木圖者。右春坊右庶子兼翰林侍講建安楊勞勉仁
昭其大父達卿先生之德。示其後之人也。先生有孝行
於爲善。施義汲汲焉。然不喜以施名。以爲受人之施者
恒有愧恥爲辱之心。而不自慊也。夫施於人。而使其心
愧恥爲辱。而不自慊。猶不施也。必使受吾之施者。如其
所當得。如無與於我。而卽乎其心之安庶幾可也。元之
季。世兵戈饑饉。民困窮。凍餒無食。至相食。以苟活。雖父
子夫婦相視。不能相保。卹所在。皆然。時先生藏穀甚富。
將發廩賑之。指某山號於衆曰。有能相吾力樹木者乎。

樹一木予穀若干願相吾力者先予穀於是爭願出力
來請穀既悉飯之乃如所言願樹木多寡予之穀不籍
識其姓名卒亦不視其功而所活不可勝計矣先生之
樂施何其忠厚委曲而周備歟居數歲木鬱然崇茂悉
中於材先生指以戒其子若孫曰不自意今之盛如此
也其毋苟自爲利將有爲學宮爲釋老之宮爲橋梁及
津渡之舟而需材者給之有貧欲爲居室沒欲爲棺而
不得材者給之毋苟自利也於是所施利益多矣時福
建行省左丞阮德柔聞而高之命工作萬木圖表之搢
紳君子多爲文若詩紀之詠之既皆失於兵而其子若

明文奇賞

卷之十一

四

孫佩服訓戒至于今不違然欲其後世皆佩服不違此
圖所以繼作也嗚呼始先生知施穀而已知求受施者
卽乎其心之安而已豈計樹之木後當何如哉而受施
者必盡力焉不可以苟蓋天理之在人心有不能已也
先生所存如此惜乎其僅施於衰亂艱虞之際歛畝之
間而徒布衣以終其身也不然使遇治平之時得一命
爲所欲爲所施利不其博哉如其後之人能世承其訓
推廣是心而行之不已焉其於施利固又博也是用告
諸其來者

送張鳴玉序

贛爲郡。居江右上流。所治十邑。皆僻遠。民少而散。處山溪間。或數十里。不見民居。里胥持公牒徵召。或行數日。不底其舍。而巖壑深邃。瘴烟毒霧。不習而冒之。輒病而死者。常什七八。江水險急。灘石如虎牙。森立。或隱或顯。奔湍之聲。洶洶聞數里。舟楫往來。非資其土人。跬步不敢越。以是會府優視之。於賦役百需。常半減他郡。而當江廣之衝。將命之臣。及海南諸番朝貢之使。往來供億無虛日。加之數年旱澇。饑饉。民之不遂。豈少也哉。而爲郡於此。苟非德任。綏撫才堪繁劇。不得爲良。建安張珂鳴玉。由行人擢知府於贛。暮年矣。自會府下至十邑之

民皆稱曰良。江右所治十三郡時。稱良守。不三四人。而鳴玉與焉。固其所施有及人者歟。前之爲守於茲。非一人。至於今人喜譚而樂道者。曰趙清獻。世謂清獻誠心愛人。以惠利爲主。又稱其學道清心。遇物而應。有過人者。非本諸其德歟。則後之爲良守於茲。不務諸德。其可哉。鳴玉發身進士。其官京師。時與余隣居。今自贛述職。將歸翰林。檢討連智。其同門也。求朝士爲詩送之。又求余序於。是乎言。

送李永懷歸東平序

永樂十九年冬。士奇侍儲君自南京入朝。道出彭城。

尾覽與謝
史贊五尼
吉相畧

以北屬歲饑民男女老弱纍纍道傍拾草實以食而滕
與鄒尤甚一儲君憫焉不忍民之及於此也遽命山東
布政使暨郡縣長吏計口而賑貸之侍從之臣亦且動
念矜惻且竊憾其長吏不以豫聞也既度濟寧入東平
之境視其民皆充然意氣和悅如無所不足者而老者
數百人鬚髮如雪冠方巾褰衣而長裾濟濟焉夾道東
西聚立侯展祇謁之禮從臣見者皆驚喜駐馬就而問
之此邦歲庶幾有收乎曰然州其有賢守乎曰然輒舉
手加額言曰皆

上之賜也又問州守氏名及其鄉郡曰前守楊公今之

用文音賞

卷之二

六

守李公皆出廬陵而併舉其宜民之政聞者既皆爲東
平喜又喜其民之言達於禮也尚書夏公顧謂士奇曰
廬陵固多賢此兩人者亦識之否乎士奇曰前守名瑒
字季琛家吉水於士奇同宗蓋宋忠臣建康通判謚忠
襄之後爲州縣二十年率有善政今守名湘字永懷士
奇同里人其父子兄弟慈孝友愛而力於生業未嘗以
非義取皆鄉人所重者衆嘖嘖稱歎曰古之官人者必
推本其行其有以夫抵暮余獨過訪永懷唯一童子守
舍家具蕭然是夜宿州學其博士弟子亦皆娓娓道二
守之賢時驛路所經東平屬邑其南汶上有史知州其

北東阿有員知縣皆以廉潔寬厚得其民心故盡東平之境不見有不遂之民者而自是所過郡邑所見其民則未嘗不歎東平之僅有也明年永懷以例代去其後朝廷遣使巡撫天下問民所疾苦東平之民羣訴於使者乞還李知州使者以聞命還之蓋東平自永懷去至是更三歲歷兩知州矣民心之好惡豈有他哉撫之不當其道不愜其意則欲去之如古謝詢之爲吳縣者蓋人情所同也如撫之當其道愜其意其去也欲留之而不能如鄧攸之爲吳郡者亦人情所同也其賢不肖相去豈直倍蓰什伯哉永懷者亦攸之徒歟其所施諸

明文奇賞

卷之十一

七

東平者余及親見之故其復任也序以爲贈亦以勵其終云

送族孫朋遠訓導序

是訓宗人語

族孫朋遠來京師得廬陵縣學訓導將歸求贈言嗟乎吾老矣何言而吾宗人也忍無一言夫簡百里之俊秀居之學而設官以教之將以待國家之用爲致理之具也而非學之通德之備才之周備以爲施教之資哉矧士生廬陵其俊秀已異於常倫又漸習賢父兄長者之化導有素如施教者之學之德之才或有一之不足豈徒無以厭服其心而毀且辱所繇作也朋遠其務加進

於已哉嘗觀世之爲教官者有善不善焉善者一志於公而無私旦暮坐講席與諸生道正道明正學退則考古聖賢言行之懿用充於已而應於人非公會未嘗涉跡守令之庭非義所當得不苟取一介以是功業益著而祿位益進不善者率務私倍公日徒飽官廩不之東家則之西家宴游傲嬉間稍一坐講席諸生就質所疑有噤不能吐一語者甚者役志嗜慾日趨走守令庭下有所干乞卑卑效兒女軟媚語求矜念用苟利於已於義不義不復計以是聲跡壞而債敗及之其爲賢不肖何啻霄壤懸絕也朋遠其務慎修于已哉勉企夫善者

明文奇賞

卷之十一

八

而戒夫不善者子之善其孰之禦哉楊氏世以清白聞不必遠舉由元至今一二百年間內自朝著外至郡縣百司之職無不有焉而無一人以貪墨失官者朋遠必克繼之而後爲楊氏賢子孫吾雖老尚冀日見楊氏子孫之皆賢也朋遠勉之

此謂厥族

開經筵疏

後一段更

伏惟 皇上肇登 寶位繼承 列聖統御萬邦必明
堯舜禹湯文武之道以興唐虞三代之治然其根本在
致力於聖學自古聖賢之君未有不學而能致治者也
去年十月內 宣宗皇帝御左順門召臣士奇諭之曰
明年春暖東宮由文華殿讀書凡內外侍從俱用慎擇
賢良廉謹之臣不幸 宣宗上賓中外哀戚臣未敢遽
言然此事至重不敢久默臣聞尚書曰王人求多聞時
維建事學於古訓乃有獲經筵侍講之官實為學之資

明文奇賞

卷之十一

九

今 皇上進學養德當預擇講官必得問學貫通言行
端正老成厚重識達大體者數人以供其職庶以上副
先帝之意乞預命吏部禮部翰林院公同推舉具名陳
奏取自上裁如或其人學術不正立心行已素無善譽
者不得濫預益師友之臣即他日輔導之臣不可不擇
也又聞書曰僕臣正厥后克正僕臣諛厥后自聖后德
惟臣不德惟臣蓋言僕臣賢否係君德重輕如此自古
聖賢之君左右使令必用正人今 皇上富於春秋凡
起居出入一應隨侍及使用之人皆宜選擇行已端莊
立心正當者使在左右庶不正之言不正之習悉皆屏

遠不得以上惑聰明。如或其人舉動輕佻。語言褻慢。立
心行已不正者。皆宜早去之。若隨侍既久。言聽計從。後
來欲去。其勢難矣。古語云。與善人處。如入芝蘭之室。與
不善人處。如入鮑魚之肆。蓋言其所漸染也。此在常人
尚須謹擇。何況天子之左右乎。

明文前賞

卷之一



滁州重建醉翁亭記

楊士奇

善則歸君
簡中屢頌
君明在職
代猶爾足
稔其厚

此所以為
君子

聖王

三代而下以仁厚為治者莫踰於宋宋三百年其民安
 於仁厚之治者莫踰昭陵之世當時君臣一德若韓范
 富歐號稱人傑皆以國家生民為心以太平為己任蓋
 至於今天下士大夫想其時論其功景仰歆慕之無已
 也而當時同朝有君子焉小人焉君子不容於小人不
 能久安於中或暫黜而遽還或屢擯而復用而終能顯
 其功名者由其君之明也歐陽文忠公以古文與學直
 言正行卓卓當時其凜然忠義之氣知有君而已知有
 道而已身不服恤其服卹小人哉而小人皆不便之故
 一斥夷陵再斥於滁既復起歷踐清華從容廟堂與諸
 君子坐致國家於磐石之安者非由君之明乎考公在
 夷陵歲餘在滁閱三歲皆無幾微遷謫之意方日務保
 民而與民旦暮相親相娛樂若父子然者君子之道固
 無往不自得也我
 仁宗皇帝在東宮覽公奏議愛重不已有生不同時之
 嘆嘗舉公所以事君者勉羣臣又曰三代以下之文惟
 歐陽文忠有雍容醇厚氣象既盡取公文集命儒臣校
 定刻之永樂庚子冬被召赴北京過滁登琅琊山問醉

翁亭但見寒蕪荒址惟醉翁亭二賢堂六字隱隱巖石間顧時滁之守臣無足語者顧其從臣曰邦先賢之跡棄不治如此其政可知矣太息去之後六年太僕寺卿趙君至趙君素慕公之賢又知滁之人思公不忘也出俸倡其寮及滁人復作醉翁亭而刻公所爲記寘亭中亭後作堂以祀二賢二賢者王元之及公也元之至道二年自翰林學士出知滁州其文章及立朝大節與公相望合而祀之因滁之舊也醉翁亭之前舊有六一泉疏導加石甃焉百費所需不出於公而加於舊規于是滁人歲時謁拜二賢退而歌詠公之文章又徘徊泉上

如親見公之樂乎此也而有以慰其不忘君子之心焉昔召公布政南國後人思之至不忍傷其所息之木而况公嘗樂於此者乎君子之感人心固自有不能已者而非有賢者倡率於上則亦莫能遂所欲爲此滁人所以有待於趙君也趙君名次進字孝禮天台人發身科第累任顯官自廣東布政司叅政遷太僕卿於滁愷弟敦厚明達大體所至爲所當爲以賢能稱相斯舉者太僕少卿蘇實龐墳丞楊文達孫嵩宋載劉璧主簿舒伯冶及滁人褚士良等十人經始於洪熙元年四月成於宣德元年正月於是士良等請文記歲月其成之又明

年二月甲子記

石岡書院記

吾邑蕭自誠先生來京師屬余記其石岡書院余與先生之子翰林庶吉士省身交嘗聞書院興壞始末石岡在邑東南半舍許仙槎江之西梁蕭子雲十七世孫諱遜者始自峽江徙居之遜七世孫諱儀鳳宋舉漕貢始卽其居之近作書院聚宗族鄉人子弟而教之儀鳳之子子安爲王府掌計從文丞相舉義事敗覆其家書院亦廢掌計之從子福可明經擅爲古文詩辭復作書院又廢於元季之兵國朝混一海宇福可之孫則善復繼作之而隱居教授其中蓋先生之父云吾嘗竊謂吾郡之俗所爲可重非他郡所及者其民務義修禮尚氣節雖至貧不肯棄詩書不習至賤者能誦孝經論語曉知其大義凡城郭閭巷山溪林谷之中無不有學富貴者遇逢掖士必敬禮之不敢慢易而尤重世族苟其世賤後雖貴盛人固不願與齒而彼亦不敢以其貴盛加人吾鄉之俗如此吾何以知其可重也吾嘗下彭蠡沂大江浮洞庭游乎楚郢之間又涉淮道舒而東上下數千餘里或行數日不聞絃誦聲觀其人之所務朴者事漁稼智者趨賈販以逐什一之利率資大勢厚者爲雄

續作一波

長不務乎詩書禮義不重乎逢掖之士也不辨乎世族也吾未嘗遍歷於天下而齊魯古稱詩書禮義之國今聞其俗猶不類於古昔然則論風俗之善惡必由乎教學之廢興故先王治天下皆拳拳興學於家塾黨庠術序亦各有制焉右剛書院固古人家塾黨庠之制考其創建以來雖屢廢之亦隨有賢者起而復之不至乎終廢吾郡之不廢其學類此故其風俗所以可重者有由也嗚呼一郡一邑之中不廢其學而俗有可重況于為天下之拳拳於學也哉是不可以不記

又進一層

孟子文丞相祠重脩記
明文奇賞 卷之十一 一四

事吳大子 君父令人 心熱

孟子曰我知言我善養吾浩然之氣知言者盡心知性而有以究極天下之理浩然之氣即天地之正氣具於吾身至大而不可屈撓者知之至養之克而後足以任天下之大事天下之事莫大於君父文丞相甫冠奉廷對即極口論國家大計未幾元兵渡江又上書乞斬嬖近之主遷幸議者以去人心安社稷固已氣蓋天下矣自是而斷斷焉殫力竭謀扶顛持危以興復為已任雖險阻艱難百挫千折有進而無退不幸國亡身執而大義愈明益公志正而才廣識遠而器闊浩然之氣以為之至而卒之其志弗遂者蓋以天命去宋也雖天命去

宋而天理在公必不可已故宋亡其臣之殺身成仁者不少論者必以公爲稱首公事具宋史而公鄉人劉岳申據公所著日錄吟嘯集指南錄集杜二百首及宋禮部郎官鄧光薦所述督府忠義傳以作公傳視史加詳實焉北京之有公祠洪武九年前北平按察副使劉崧始建於教忠坊今順天府學之右而作塑像焉永樂六年太常博士劉屺節奉命正祀典始有春秋之祭於有司歲以順天府尹行事宣德四年府尹李庸始至謁公祠下顧瞻祠宇弊陋弗稱遵用詔旨葺而新之而凡祀神之器靡不備具又求劉傳刻石將使人人皆知

世之爲臣者光明震動焜焜烈烈有公也於乎忠孝人道之大節治化所先而崇禮先賢表勵後人尤守令之急務庸其達爲政之本歟庸字執中保定唐縣人寬厚明敏自太學生授工科給事中

上親擢爲順天府尹愛人之心剸繁之才上下皆稱之而盡心學校敬賢尚德如飭昌平之狄梁公劉諫議祠而嚴其祀事之類皆其知本之務皆可書也因并書之以示來者

題跋

書呂少卿所藏戒石銘後

楊士奇

宋君相急
于所重公
書太平之
朝為諒詩
巡撫肩枕
等亦足千

右宋黃文節公庭堅書戒石銘有呂忠穆公頤浩題識
戒石銘本蜀王孟昶所作宋太宗摘其中四句令天下
郡縣皆刻石寘公署之前覆以小亭長吏坐則正對之
此蓋高宗紹興二年六月復頒庭堅所書摹本於郡縣
命長吏刻石置坐右是時軍旅之務方殷廟堂日不暇
給而能用意於此可見君相急於所重而民心所以不
去宋也忠穆前年九月自開府儀同三司拜少保尚書
左僕射同中書門下平章事兼知樞密院事是年四月
卿升間以見示為書其後以歸之

明文奇賞

卷之十一

十六

奉詔都督江淮荆浙諸軍事如鎮江開府七月召還此
當是還朝後所題於今二百九十有五年矣當時郡縣
所刻石者今多不存余猶及見士大夫家所藏建康及
紹興石刻拓本此本莫究所出而忠穆九世孫大理少
卿升間以見示為書其後以歸之

題贈劉士皆詩卷後

厚

朝之公卿大夫賦詩以贈其友之行者始見於周之崧
高烝氏皆尹吉甫所作也舊序以為美宣玉之詩說者
謂人君委任得人而寮友賦詩以相娛樂則人君之美
亦可見矣士皆起科第任風憲此卷賦詩贈之者十有

四人首序一人皆翰苑名流也其人名位大小古今不可繁論而詩之旨或舉其職或勉其德以及夫徒御之光華遠行之懷思皆兼而有之其庶幾孔碩清風之作歟士皆雖去此有離羣之念而時一展翫亦可以自慰矣

恭題

仁廟御製詩後編永樂丁酉圖書而全顯之蓋同符太宗皇帝復巡狩北京務務之於前顯顯士仁宗皇帝監國當時留侍監國之臣悉簡敦厚而恭慎者而文臣之預密務者三人吏部尚書兼詹事蹇義翰

明文奇賞

卷之十一

十七

林學士兼諭德楊士奇翰林侍讀兼贊善梁潛

仁廟好文重士樂善有誠時節宴羣臣間

賜詩獎諭而三人者所得為多右二詩前賜臣士奇臣

潛凡書二紙悉識以東宮圖書而分賜之蓋同侍宴

也後詩亦識圖書而專賜潛其詩一書侍讀一書贊善

者從略而互見也觀於此詩則知

上之所以重潛潛之所以事

上交得其道矣明年潛卒時無強壯子弟在側所得獎

諭詩文好事者知其為寶率持去其子黎能記憶二詩

比求善書者錄為卷以臣士奇先朝舊人且其父同寮

也求識之臣侍

仁廟監國最久。仰窺聖志。蓋未嘗一日不在君父。不

在生民。不在求道而咨賢也。仁明之德。從古鮮儷焉。潛

卒後七年。宮車上賓。想見明良神靈感會。今侍龍

御於三光之表。而臣衰病餘息。徒抱烏號而承慟。獲覩

此卷拜稽。三復老淚橫流。謹識歲月如左。

此大題朱文公墨跡。後文公之學。六編卷一書墨十

古人於墓銘碑誌。雖細微事。必謹然。紀名臣鉅公之事。

無小失者。亦難矣。韓忠獻誌歐陽文忠之墓。其序文忠

與尹師魯。余安道。坐論范文正公。被黜與文忠所自志

明文章賞 卷之十一 一八

先後不合。蓋功績繁重。當時止據其家子弟所述。書之

不及詳考也。韓歐同朝最久。最相知。猶不免此失。况文

公為張公後輩。於追述能免無小失哉。而公常以為愧。

此大賢君子之心也。以文公之學之識著一書。歷十餘

年。義例始定。而猶汲汲求正於人。此皆後學所當師者。

因拜觀此書於京口。何彥澄所敬識。其後又錄以藏於

家云

石徂徠集 而各贊也 其間之說 與古論 論

宋石守道徂徠集二冊守道與歐陽文忠公同年其平

生見歐公所撰墓志公又有讀徂徠集二詩極其愛重

能讀古人
書

忿歎之意皆載此集之後余得於翰林庶吉士吾紳古
之君子正直自持是非非無所顧忌類如此讀斯文
者儒夫可以有立志矣

明文奇賞

卷之十一

十九

昔謝安嘗曰吾立志矣

吾子五世自許長長非我無所願以此讀斯文
志願之意皆歸此集之對余爵於翰林庶吉士吾紳古

記

南思堂記

劉心球

因費典史
發出治表
議答公忠
義人實經
濟人

予家食時族人希敏爲言交趾之叛也其婦翁彭友直以古費典史持郡牒撫諭叛寇著職陞新安主簿未數月病歿歿時歸道已梗其子威因費民之懷之也藁葬費之杜社寺後意及寇平發以歸未幾交趾境土悉爲寇陷威伏圍城中久之賴朝廷弘天地之德宥寇罪寇亦懼誅悉遣中國人之留其境者歸威在遣中逼迫就道顧勢不得歸親喪以屬其親所娶交趾婦使埃所生子丑奴長而告之遂行抵家言于其兄誠誠慟其親體

明文奇賞

卷之一

二十

鬼寄葬萬里外竟遭兵塵流離斬然限爲異域不得復通道路往而收以附先塋哀號攀慕之情弗克勝乃名堂於所居之西十里曰南思兄第五人朝夕引領南向必窮神於海濱天涯而後已託希敏來請記值予赴京期迫未復之其後誠數至京每至輒三四請予請不倦予念其悲深而意篤不可以不記夫交趾壤地遠在禹服之外其得與失固不足爲中國重輕然先朝旣平其亂而郡縣之矣使爲牧守者能訓畊桑寬賦徭漸以禮義之教如錫光之勵於政理彼將蠻夷歸華必不樂于叛旣而四野多壘使爲元帥者能出奇設備仗天威以

討逆如馬伏波之良於用兵彼將授首不暇亦不難于
平其叛皆不能然以致中國冠帶之士委骨夷徼不得
歸葬故土故予于友直不能爲之不悲也况其子乎雖
然當時吾邑仕交耻者三人有歐陽典史堅者與友直
俱授撫寇爲寇所執死炎火中有謝縣丞子方者與威
同道歸威親見其舟碎海中舉家八人皆溺死不得葬
獨友直葬得地且有所託視彼二人猶爲愈也誠兄弟
之悲於此其亦可少慰乎

其碑銘書云張勳權傾台察良以忠公廉德彌塞不令

識其奉天朔衛推誠守正文臣特進光祿大夫柱國兵

南志壯部尚書靖遠伯追封靖遠侯謚忠毅王公驥神

道碑銘贈封文則平型皆著其精李計賢神

本朝之制文臣不許封爵也惟有武功者不在令自洪

武以來蓋百年於茲矣文臣有武功而封爵也者始一

人焉靖遠伯王公是已嗚呼休哉公諱驥字尚德系出

太原先世有宦遊雲中者因家宣寧高祖而止多顯仕

會祖守道祖思宗仕元為高陽令有惠政父成適元季

兵亂因徙家東鹿娶程氏生公公自幼警敏年十三入

明文青賞 卷之十一 二二二

邑庠為諸生即有遠大志未幾父母相繼以歿公哀毀

盡禮能自樹立遂領鄉薦登永樂丙戌進士第授兵科

給事中尋出使山西見徐溝民困奏免鹽池虧課二十

餘萬時應天府缺丞務急且冗委公署之立辦復署行

在都察院事持正不撓陞山西按察司副使洪熙改元

本廟素知公才不召為順天府尹畿甸大治特賜誥

以褒之宣宣廟即位之明年陞行在兵部右侍郎時慮

南京根本重地真定定州畿內要衝請秦蜀王王府護

衛兵多兩遣公分調屯駐公皆處之得宜宣德乙卯進

兵部尚書先是虜酋阿台朶兒只伯之軍猖獗塞下今

如此文臣

即以侯伯

蔭之殊不

為過何者

為其功浮

于賞也今

日遷臣所

作何事也

茲配虜之

生心皆諸

臣之溺職

耳乃夾在

縱騎如取

諸帝此何

為者哉

日張

日張

日張

日張

日張

日張

日張

日張

日張

日張

日張

日張

日張

日張

日張

皇上卽位之明年特遣公往視師許以便宜行事公至見沿邊城堡不堅將無紀律歎曰邊防如此宜乎寇至羽日大集官兵問曰往年出兵遇虜於魚兒海首先退縮者爲誰咸曰都指揮安敬卽命左右引出斬之一軍爲之股慄又誓於衆曰自今遇敵有前者罪亦如之號令一新兵威大振旣而虜酋把禿孛羅入寇莊浪公卽遣都指揮魏榮授以方畧率兵勦之遂擒其部落以還虜始知懼遁走公閱甘涼軍冗曰兵貴精強乃退其三之一八月還京上慰勞者久之虜聞公還復入寇上復勅公往公至遣大將蔣貴率精騎數千出境且戒

明文奇賞 卷之一 二十三

如此方成
軍令該封
伯該封伯

曰遇敵不捷無復相見也再遣偏將趙安率兵繼之公與太監曾安都督任禮分兵爲殿遂擒阿台俘殺醜類幾盡邊境底寧捷聞上遣人齎金幣勞公加兼大理寺卿明年還京先是雲南麓州宣慰使思任發叛累征不利辛酉春復以蔣貴率諸道兵往討之仍命公總督軍務賜以明鎧雕弓蟒龍緋袍以壯其行公至聞賊在大候州卽遣都指揮馬讓授成算以往斬首數百級餘賊遁去是歲冬分道並進會於上江以夾攻之因風縱火斬獲無算賊首父子僅以身免遂盪平其巢寨捷聞降勅獎勞召公北還時蠻賊韋郎羅造孽於維摩

州公遣指揮萬成先聲率土兵討之賊潰散郎羅逃之
安南復傳檄諭之邊人遂斬其首來獻廣南富州土官
儂郎舉沈政讐殺十餘年公宣諭公朝廷恩威兩讐頓
釋至京上親宴於奉天門文武官僚以次陪宴士林
榮之論功封公推誠宣力武臣特進榮祿大夫柱國靖
遠伯食祿一千三百石特賜誥券追封三代曾祖考
皆如其爵妣皆伯夫人未幾思任發竄入緬甸謀復叛
上召公曰勞卿再一行耳公復總諸軍至金齒遣人促
緬甸送思任發至軍前緬人佯諾不遣公曰緬人黨賊
不可不加兵乃至騰衝分爲五營公與蔣貴及都督沐
昂分督以進木邦宣慰使統兵萬餘駐於蠻江許觀我
軍容公責以忠義賞以牛酒遂感悅而退緬人擁衆大
至公密令貴率兵匝江而下焚其舟數百艘大戰一晝
夜賊潰遁去捷聞上召公班師慰勞益厚加祿三百
石壬戌秋非虜近邊上復命公出巡仍許便宜行事
乃自寧夏抵甘肅凡寨堡烽墩悉增修之仍授邊將以
破賊及練土方畧事竣還京麓川遺孽思機發思上發
復據孟養以叛戊辰春上復命公總諸軍率兵往討
之至金沙江賊於西岸立柵以拒公伐竹爲梁麾兵悉
渡一鼓破之賊又於鬼哭山顛立柵公與偏將親冒矢

石往拔之，二孽歿於亂。兵南服，遂寧。景泰初，都督官聚征湖貴苗賊，失利，乃以公佩平蠻將軍印，代總其兵，遂大破苗賊，獲其酋，僞稱剗平王。苗蠹富檻送京師，餘寨悉平，振旅而還。復增祿一百石，子孫世襲。尋委公總督守備南京。壬申秋，以衰老乞闕，還京。天順改元，皇上復位，思用舊人，召公慰諭良久，賚以白金文綺。顧公精力尚健，復拜兵部尚書。再闕月，兵政漸有次第，而公固辭不可強矣。上亦念公重違其請，令朝朔望復賜誥，加號奉天翊衛推誠守正文臣，特進光祿大夫，禮遇甚厚。天順四年五月十一日，以疾薨於正寢。公天資通

明文奇賞

卷之一

二十一

敏。遇事敢爲，正色立朝，欲以身殉天下。每陳國家利害，生民休感，辭氣懇切，孜孜不已。襟懷開爽，好賢樂善，人有寸美，必極口稱道。見人材沈滯，必拔起任用。始終成就之，未嘗有德色。與人交，不立崖岸，循循和易。雖位兼將相望，重累朝，曾無一毫驕矜之意。見於頽面，體貌清臞，風儀俊整，尤善談論。見者爲之懽然。當大事，屹若砥柱。之在中流，功名事業，視前古爲無愧矣。疾亟，家人皆惴懼，公曰：古人以歿爲歸，何至是邪？且對故人大理，卿龔永告，叙閭闔，神思如常。客甫出門，公就席而逝。享年八十有三。上聞訃，哀悼輟視朝一日，祭葬，賻儀悉從。

典禮追封靖遠侯謚忠毅士大夫莫不茹泣相弔公娶
張氏累封伯夫人生子二曰王璿俱早卒側室劉氏生
子二曰瑞嗣公爵曰珩爲勳衛。卞以是年七月吉日歸
葬於束鹿祖塋之右



子二曰淑嗣公爵曰淑繼嗣爵小以吳平子以吉月
葬於束鹿祖塋之右

是一經濟
手而才則

疏論其朝高宗一符觀其朝景祐二年其朝景祐二年劉定之論立
登極建言疏以對其朝景祐二年其朝景祐二年劉定之論立
題爲建言事臣觀自古以來夷狄之禍未有甚於今日
也古者如語懷愍之陷於匈奴宋徽欽之陷於女真其
時皆因邊塞外破藩鎮內潰救援不集播遷無所然後
有蒙塵之禍未有若今日天下之大數十萬之衆奉朝
正皇至於漠外委以與互刺者也至於晉宋旣遭此禍
之後元帝繼統高宗嗣服皆舍棄故都偏安一隅然尚
能奮旣衰之勢以禦方張之敵使劉曜石勒歛其虐骸
而不侵梓宮韋后因其講和而來歸未有若今日也先

明文奇賞

卷之一

二十七

乘勝入寇直抵京城奉正皇以來而天下之大數十
萬之衆旣不能奮武以破敵又不能約和以迎其駕聽
其自來又聽其自去者也蓋國勢之弱久矣雖非尚
陛下所能遽使之強然豈可不思其自強之術而力行
之乎臣愚無知曉敢條陳所見以俟採擇其一日戰陳
臣觀昨者之戰但知閉營堅壁假托持重之說而不能
出奇盡力以收勝捷之功甚至前隊敗而後隊不救左
階出而右哨不隨宜倣宋吳玠吳玠兄弟三疊陣之法
前一行刃楯蹲伏以俟其陣最低第二行矛戟大鎗立
地以俟其陣稍高後一行騎兵弓矢其陣最高敵至得

互相倚恃迭爲救護庶幾不至狼狽又虜騎之來奔騰
蕩突必資刀斧以制之昔郭子儀破安祿山胡騎用八
千人執長刀如牆而進韓世忠破金虜拐子馬用五百
人執長斧上斫人胸下捕馬足由此言之刀斧之揮霍
便捷優於火鎗之遲緩趨起也其二曰守禦昨者紫荊
居庸等關旣不能禦虜之入又不能遏虜之出名爲關
塞實則坦途虜騎之來若長風之驅雲霧豁然無所底
礙蓋兵士寡弱亭障缺敗蹊隧疎漏非朝夕之積也今
宜增兵士繕亭障塞蹊隧如古者畫境分守之時因其
陸地則縱橫掘塹名爲地網因其水泉則遇處停畜號

曰水櫃或多植榆柳以制奔突或多招土兵以助官軍
此皆古所嘗爲必有効驗今武夫悍將多云古不可泥
然商之賢相不云乎事不師古以克永世匪說攸聞此
臣老生腐儒之所信其言者也其三曰通使夫通使之
職欲其內蘊忠信之心外有言語之才昔漢文帝遣陸
賈使南越用能屈趙陀之膝以去僭號宋仁宗遣富弼
使契丹用能結華夷之盟以息戰爭若富弼者所謂蘊
忠信而能言語者也奈何往時專以譯人駟夫爲之哉
今後宜用文武賢臣備正使之選令通敏者爲之介紹
錄其動靜言語纖悉必載回日聞奏庶乎不至招孽

起戎矣其四曰降胡往年以來降胡皆留居京師授以官職給以全俸夫非我族類其心必異故昨者或衝破關塞奔歸故土或乘伺機便寇掠畿甸今宜乘夫兵聚集之際遷徙其衆遠居南土禁其種落不許自相婚媾變其衣服不許仍遵夷俗或以爲兵使與吾中國之兵部伍相雜以牽制之或以爲民使與吾中國之民里甲相錯以染化之况又省全俸之給減漕輓之勞臣嘗於上皇時言之智謀淺短不足仰動天聽然今者之禍可鑑矣其五日練兵夫天下之民農夫出粟紅女出布而輸納公上者多以養兵也天下之兵受粟於

倉受布於庫而練習武藝者所以爲國也向者兵士受粟布於公門而納月錢於私室於是乎手不習攻伐擊刺之法足不習坐作進退之宜日不識旗幟之色耳不聞金鼓之節但見其或負販貨財以爲商或習學技藝以爲工而工商之所得僅足以補月錢之費蓋民之膏血兵之氣力皆變而爲金銀以惠奸宄一旦率以臨敵如驅牛羊以當虎狼幾何其不敗哉今宜痛革月錢之弊作新操練之政將帥有踵舊弊而不改者誅之可也怠新政而不務者降之可也士卒練習既久拔其勇銳者汰其罷軟者糧賞有厚薄費用可節縮矣其六曰

撫民夫養兵之費既出於民而兵敗之禍民蒙其害始也出費而終也蒙害民其何辜乎况守令之刻削於民猶將帥之刻削於兵也今宜於常年考覈之所黜落三年曾朝覲之所彈糾者悉加嚴罰而不寬縱至如大臣舉官有犯贓私者必連及舉主夫恩不加於貪吏則貪者寡矣罰不貸於舉主則舉者慎矣民豈不蒙其惠乎民安而邦本固雖夷狄外侵而邦本內固此保國永世之良圖也豈可以目前不暇而謂此爲迂緩乎其七日選將夫將材罕得天之生將材豈專在於將門乎販繒屠狗之夫而漢賴以王被褐捫蝨之人而秦賴以伯至

於趙括者豈非趙奢之子然殞首於白起王離者豈非王翦之孫然繫頸於項羽今國家用將有出於將門之中者若石亨楊洪是也有出於將門之外者若于謙楊善是也然將能知將宜令其各舉所知不拘門地或以勇力或以計策其餘公卿侍從亦令各舉所知量能而任之庶乎拔十得五聞六知二將材由此而充矣其八曰賞罰夫有兵將而無賞罰猶無兵將也將非賞罰無以將其兵君非賞罰無以將其將昨者遣石亨于謙等將兵禦虜未聞其摧陷腥羶迎回鑾輅但迭爲勝負互相殺傷而已雖不足罰亦不足賞也今亨自伯爵陞

爲侯爵謙由二品陞爲一品天下之人未聞其功而但見其賞豈不怠忠臣義士之心乎昔漢之圖恢復也所恃者諸葛亮宋之圖恢復也所恃者張浚其人皆忠義素著功業久立及至銜亭之戰不勝而亮降丞相之號符離之役未捷而浚解都督之職待收後効乃復前官今宜使亨等但居舊職勿授新陞以崇廉恥之節以作敵愾之氣他日勛名振而爵賞加亦何晚乎夫旣與而不忍奪者姑息之政也旣進而不肯退者患失之心也止不行姑息之政下不懷患失之心則治平可計日而望矣至於昨有臨陣而死者有棄關而生者亦宜亟加

用文奇賞

卷之十一

三十一

賞罰庶幾恩及卑賤而人知所勸法行貴近而人知所戒矣其九日議政向者御史建議欲令大臣入內議政事寢不行夫人生當總攬權綱親決機務如大裘之領不可以倒挈太阿之柄不可以倒持凡政事有早朝未及決者宜日御便殿使近臣侍於側大臣奏於前言官察其邪正而加糾彈史官書其言動以示懲勸君臣之間詢謀疇咨互相可否以求至當此前代故事祖宗成法也宋陛下遵而行之則決於萬機也益以熟而察於百官也益以明士聖政益新天命益隆矣若乃仍如前日每事但以一奏本進入人皆意批出臣恐

偏聽生奸。獨任成亂。治化無由。以底於雍熙也。凡此皆其見於政治者。而尤必以德學爲本。臣請得終言之。其十日德學夫。人主之德欲其知。如日月之明。則可以察枉直。仁如天地之大。則可以覆羣生。勇如雷霆之斷。則可以收威柄。故中庸曰。知仁勇三者。天下之達德也。而宋賢相司馬光之告其君。仁宗英宗神宗。皆以仁明武爲言。光之所謂仁。明武。卽中庸之所謂知仁勇也。然是豈可以易而能哉。必本於學矣。成湯之聖學於伊尹。武王之聖訪於箕子。曾謂聖帝明王。全由天資。不假學力哉。然五經諸史之博儒生。且未易徧觀。而况於人

主。臣謂經莫要於尚書春秋史。莫正於通鑑綱目。陛下宜留心焉。不宜觀其善而避其惡也。夫善惡兼而觀之。則於爲君也。旣知禹湯文武之所以興。又知桀紂幽厲之所以替。而趨避審矣。於馭內臣也。旣知有呂強張承業之忠。又知有仇士良陳弘志之惡。於馭外臣也。旣知有蕭曹房杜之良。又知有李林甫楊國忠之奸。而用舍當矣。其爲知仁勇之助。豈不大哉。苟徒若前日使儒臣誦其善而避其惡。是猶恐道路之有陷阱。閉目而不視。恐魚肉之有餒腐。擁鼻而不嗅。其不至於誤食而嘔噦。冥行而顛躓者少矣。伏惟陛下以不世出之聖

當大有爲之時誠能本於德學以見於政治則天下之
大尚如金甌之完固而未缺臣見 國勢可弭憊恥可
雪 兄弟之恩可全 祖宗之治可復而何難哉臣于
冒 天威不勝戰懼伏惟擇其言而赦其罪幸甚

天威不勝戰懼伏惟擇其言而赦其罪幸甚
其年多思臣全 願宗之治可復而何難哉臣于
大尚如金甌之完固而未缺臣見 國勢可弭憊恥可
雪 天威不勝戰懼伏惟擇其言而赦其罪幸甚

議劉靜脩薛文清從祀

劉靜脩集
多可觀

謹按元儒容城劉因德性剛正學識明悟所作詩文理趣出人意表非腐儒曲學循行數墨者所彷彿而進退之際安於義命若其稱許管幼安詠歎陶元亮則傲睨濁世涕唾祿爵之本心可見也是以裕宗不能留世祖不能致因豈不可謂之賢也哉然而建言者遽欲以因列諸孔廟從祀則事體甚重不可以不詳議建言者謂顏子未嘗著書而配享孔子不可以因未著書而不之取夫顏子何可當也孔子之道傳之顏子後世取信於

明文奇賞

卷之十一

三十四

取得妙

孔子之言其言具於論語載於中庸見於孟子存於易也譬如蕭何無戰功而高祖取為漢臣之首房喬無戰功而太宗取為唐臣之首所謂知臣莫若君知弟子莫若師者此之謂也今以因未著書而仰攀顏子為比則是人臣無汗馬之功者皆得攀蕭房為比惡有是理也哉建言者又謂從祀諸賢其中有不能無過者因無過奈何反不得從祀夫及門速宜之徒固有狂狷失中者矣又有聚斂而聖人斥其非吾徒短喪而聖人言其不仁者矣然而莫不親炙溫良恭儉讓之德親受文行忠

信之教高者名列四科餘者亦皆身通六藝是以孔子家語太史公仲尼弟子列傳備書之以爲三千之徒此七十子者其最也然則七十子之有過者亦先儒所謂聖人數其事而責之其所善猶多爾至於左丘明以下經師二十二人有未能深明聖經之旨者矣又有無威儀若劉向好諛佞若王肅者矣然而當世衰道微火於秦黃老於漢佛於魏晉之時而此二十二人守其遺經轉相付授講說註釋各竭其才以待後之學者則其爲功殆猶周文武成康之子孫雖衰替微弱無所振作而尚能保守姬姓之宗祀譜牒以閱歷春秋戰國不亡而

幸存者也雖有大過亦將宥之况小失乎今以因無過與七十子三十二經師有過者較量彼此欲得登因於從祀愚竊以爲仲尼素王也七十子助其創業者二十二經師助其垂統者也遇其有過議而貸之猶得陪從也非是之此而從曰我無過可以陪從未之前聞也建言者又謂與因同時若許衡吳澄其德學無以踰因而亦得從祀因豈得獨遺夫因之於衡澄其德學無大弗若也其功則有弗若也何也衡以其行道之功澄以其明道之功當元氏奮自朔漢統據華夏其君臣懵焉不知堯舜禹湯文武周公之道傳之孔子孔子傳之其徒

以至於宋之周程張朱者其道足以撫世御極而衡首倡率誨誘之使知是道之可行至於澄所作諸經纂言發揮洞達自朱子以後依經立說者鮮克儷之是以我朝太宗文皇帝命儒臣脩輯五經四書性理大全於澄之說多所採入澄可謂能明是道者矣而因之說未此未足以定之有採者則是因既未若衡之道行於當時又未若澄之道明於後世其不從祀未必爲闕典也若乃薛內翰瑄直躬慕古談道淑徒進無附麗退不慕戀勤學好問可謂文矣歸潔其身可謂清矣是以存蒙聖知沒錫美謚其爲皇朝名臣夫何間然然論其於道所得以與

明文奇賞

卷之十一

三六

朱子之徒相比竝若黃直卿輔廣之親承微言金履祥許謙之推行緒說尚未知可伯仲其間否也而遽欲從祀竊恐世之君子將以建言者爲非愚則諛孰敢和附其說哉故愚以爲瑄太可無施行因則准昨者所議楊龜山例令其所在官司建祠奉祀庶足以伸敬先賢勸勵來學謹議

帝問翰林學士王安石以唐太宗為。哉帝深納之。尋以為參
知政事行新法。劉定之

不謀破
與方未許

則然非道

必不可復

安石為神宗變法在取民財與力而用之也在於兵兵
之所用至于破遼而志願畢矣取民財之法曰青苗春
貸而秋償之收息十二秋又貸而春償之亦收息十二
歲再收息則名為十二其實十四也名為貸償其實無
故歲取民財也曰免役民出力以役于官者皆無出
力而但輸錢官自以錢雇民應役各為均役而其實欲

明文奇賞

卷之十一

三十七

自操其雇錢之奇贏也夫民孰皆不貸償而自足哉私
貸償焉治世之所不免今也禁其貸償而官與之貸償
以利其息錢之入民孰皆不雇募而自役哉私雇募焉
亦治世之所不禁今也免其自役而官與之雇募以利
其雇錢之餘即此二端言之其他取民財之法無遺巧
矣而又編保伍以練兵則民自為兵而養兵之費不以
煩官是曰保甲編保伍以養馬則馬皆在民而養馬之
費不以煩官是曰保馬豈不謂古者寓兵於農也然今
既有保甲矣而待舖之兵何嘗為之廢亦豈不謂漢嘗
括民馬今使民養無害也然民既增保馬之勞而他勞

何嘗爲之損。是其取民力幾於竭矣。民財與力悉歸於我。自以爲我非用之於土木。非用之於狗馬聲色。非用之於仙佛。欲用之於兵而復漢唐之故疆。無不可也。然畏遼之大。故將於遼必先於夏。又先於羣小。夷狄自小至大。嘗試以圖之。安石君臣相與深謀密議。而悉掃異已者之論。無非此心也。於是王韶試於熙河。章惇試於湖北。熊本試於瀘夷。郭達試於交趾。皆能尚有所得。而試於夏則馴至於徐禧之死。得不償其失。彼遼者不待其試而先來求地。安石低徊躊躇爲欲取之。必與之。說卒遣韓縝割與七百里之地。無得而有失焉。若獵者

置狐兔刺鹿豕而辟易於虎。失其所操以歸。蓋安石之技窮而神宗漸以沮悔矣。然所援引共事之人固在也。踵其故智以用於哲徽之時。互起迭進。以至賢路盡壅。民命僅存之秋。適值遼有釁。躍然攻之。以卒安石之所圖而遼以國斃焉。故前宋之亡本於安石爲神宗謀破遼而已。向使其不謀破遼。則不用兵。不用兵則不大取民財與力。不大取民財與力。則何至俾羣小爲之交攬互噬於天下也。抑遂其始謀。亦不過如唐太宗擒頡利可汗。然太宗用魏徵先以養民爲務。而兵自強。安石先弊其民。不及魏徵矣。乃動以堯舜周孔藉口。其誣矣哉。

觀文殿學士太子少師致仕歐陽脩卒于穎。詔求其所作五代史以進。脩資治通鑑自爲之序。棄歐陽脩於未老之年。而其卒也。乃求其所作五代史。其意以脩與光。但能譏述也。經國實用。非其所能也。吾自有安石也。何其量入之薄哉。厥後光起。而究其用於元祐之初。脩之不究其用。君子蓋惜之。然所尤惜者。脩亦有以取之也。何也。惟恐其不究於用。而有意於究。是乃用之所以不究也。濮議是也。當濮議之始也。韓琦輩雖與脩同在政府。而知經學古。豈如脩秉義懷直。豈

踰脩哉。脩苟以濮王爲不當別議。尊崇琦等。必不或異矣。英宗雖欲顧其私親。何自啓口哉。自此議發於政府。而羣言交攻。惟脩之歸咎。謂其晉也。贊仁宗以立爲後之子。而今也。導英宗以忘所後之父。昔先帝而諛嗣君。薄大統而後本生。於禮經爲不合。於直道爲不純。而脩遂無辭其責焉。豈非脩久參大政。當輔相位。略萌覬覦之心。稍爲迎合之計。以致此乎。故曰。惟恐其不究於用。而有意於究。是乃用之所以不究也。及其作五代史。於晉出帝。謂所生父敬儒爲皇伯。柴世宗。謂所生父守禮爲元舅。皆反覆辨詰。二主之非欲以表證其前日濮議。

之爲是。然近於欲蓋而彌彰矣。脩之學繼唐韓愈而與之並。皆宗經而脩論述尤多。愈惟論語數章皆纂史而脩筆削尤嚴。愈惟順宗一錄皆衛聖道於湮微塞絕之餘。皆闢異端於羣趨衆附之際。始焉學者莫能抑揚之也。至其後。惟愈從祀孔廟。而脩以濮議爲鉅璧之纖瑕。良榦之寸朽焉。不然其全美豈可及哉。幾微功名富貴之念一動而用之以不究美以之不全。是以君子無慕乎其外者。懼累乎其內。無冀乎其未得者。懼喪乎其所已能也。若乃光則免乎此矣。所以然者。光之學以誠爲主。自不妄語入故也。

康王構卽帝位於應天府

康王前嘗爲質于金營。而宋使姚平仲劫營。金疑其非親王。且嘗與較射。而連發中的。意其將家子。因卻還之。洎宋復遣王奉使講解。而爲民所遮止。因此得脫。而遂繼宋統。蓋天畱之也。使其在圍城中。則與諸王并俘。以非矣。昔者周漢宗室。皆分封于宇內。非獨資之。如泰山磐石。得以固其存。不幸而亡矣。死灰復然。猶得以續其統。又不幸而統絕矣。苗裔蔓衍。猶得以保其姓。周東遷而晉以強宗爲霸主。糾合諸侯爲周輿衛。至于戰國。而燕韓魏居七雄之三。以祀姬姓之祖。禰秦虎視東周。不

八百年之
脈長十二
萬人之九
協

敢吞者數百年自載籍以來未有若周之長所謂固其
存者也漢懲吳淠楚戍之強而犯上盡封各國支庶以
裂其壤至于哀平之際宗室載屬籍者十二萬人莫不
據士民之上有王公之勢莽既盜漢而光武兄弟呼於
南陽此十二萬人者近遠響應故東京之復舊物易於
反掌靈獻之末表琮焉璋猶能嘯強荆益以資昭烈之
興所謂續其統者也唐宋則不然其宗室皆聚居於京
師故朱溫篡唐而德王等九人一日同沈于九曲池濮
王等數百人一夜同阬于龍興寺女貞取宋而惟康王
以出使孟后以被廢二人得脫其舉宗其遷卒見屠于

明文奇賞

卷之十一

四十一

完顏亮無一人幸免蓋無以保其姓矣夫聚居之也樂
其易防制此利之小者而其後有大害觀於唐宋可見
矣分封之也惡其難約束此害之小者而其後有大利
觀於周漢可見矣蘇子瞻諸人言封建之害胡明仲諸
人言封建之利各有其說而未嘗言其大利害見於繼
世之後如此然則有天下者爲其子孫計可以無疑於
此矣抑宋統之幸不絕而天留康王以續之何也曰汴
宋二百年矣仁如慶曆元祐之日多不仁如熙豐崇宣
之日少其不仁也民怨之而其仁也民憐之其怨之也
足以亡而其憐之也足以不絕民之心卽天之意也善

得天者得於民而已矣善得民者以其仁而已矣

周文奇賞

卷之十一

四二



文奇賞

庶幾恩及卑賤而人知所

其九曰議政向者御史建議欲令大臣入

震不行夫 人主當總攬權綱親決機務如十

不可以倒挈太阿之柄不可以倒持凡政事左

御使殿使近臣待於側大臣

未及決者且曰 御使殿使近臣待於側大臣

察其邪正而加糾彈史官書其言動以示
天命

序

文山詩史序

劉定之

予少時得宋丞相信國文公指南集讀之然聞公在幽囚中有集杜句詩未見也及官謫林始見而錄得之詩皆古體五言四句凡二百首分爲四卷首述其國次述其身次述其友次述其家而終以寫本心歎世道者莫如何於人勝天夷猾夏而有待於天勝人夏變夷之必有日也卷目皆公所自分其先公而後私盡已以聽天於此亦可以見而俗本或混之今皆爲復其初集首有總序又有小序散于章首其後又有跋尾序跋中有缺

明文奇賞

卷之一

四十三

文者指元之君臣宋之叛逆缺而不書使知者以意屬讀今皆補之而爲白字者不沒公初意也不書紀年者陶靖節削承初之意也姓某履善甫者皆南集中所謂范雎變張祿越蠡吹陶朱之意也而其事之難有甚於指南之時焉者矣小序之末多日哀哉者公所以傷其國之亡憫其忠臣義士之同盡慟其家族之殉國而自處其身於死豈待南向再拜引頸受刃之際而後有决志哉嗚呼孔子不以仁許人而獨以許殷之三臣孤竹之二子余以爲若公者文山之隱京口之脫去而不汗矣角顏拘以江艦弘範繫於海舟世祖維於燕獄因而

贊

文昌帝君像贊

劉定之

有以孝陵御容傳寫為文昌帝君像者臣定之稽首贊曰

繪天子

日行於天光寓萬形全得為月分得為星雲得為霞雨

得為虹影得水底火得鏡中圓明晶彩晶彩日同於

皇開天自天陟降其寓於茲文昌帝像主世之文緯地

經天有赫厥用無私其權冲天烏紗朶雲龍袍就之曰

近望之天高臣拜稽古古亦有是宋仁宗像即真武帝

明文奇賞

卷之一

四五



繪太子

Faded vertical text columns, likely bleed-through from the reverse side of the page.

贊

文昌帝君像贊
劉定之

疏

養聖躬勤政論悖孝義疏

章 論

啟言極矣
而忠悃顯
然古今第
二奏疏

一養 聖躬○臣聞天下之本在國國之本在家家之本在身身之本在心大學曰心正而後身脩以身為天下國家之本而心又一身之本也天下安危繫于人君之一身身安則天下安天下治亂由于人君之一心心正則天下正欲安天下必先安身欲正天下必先正心此當務之急也臣恭惟 皇上身乃天地之宗廟社稷之所付託天下華夷臣民之所仰望 祖宗列聖萬年之基業在是 聖子 神孫萬世之統緒在是誠

明文奇賞

卷之十一

四六

不可不保養而所以保養之者莫切于遠聲色也昔唐太宗欲納鄭仁基女魏徵諫止之憲宗時教坊使稱密詔選良家女子納禁中李絳上疏乃悉還之文宗取李教女入宮魏謩諫而出之此古忠臣愛君必拂其邪心防其嗜欲置君于無過之地正心以為安天下國家之本使天下莫得非議也伏望 皇上思 天地 祖宗社稷付托之重念天下臣民仰望之心宵旰憂勤日夕惕勵以安天下而於深宮之內遠美色退聲樂以保養聖躬誠以帝王一勤一靜天鑒臨之天下知之史官書之以昭示天下以監戒後世不可得而掩也

一勤論政○臣聞君上臣下固有天尊地卑之分然元首股肱則有同心一體之情故於退朝之後便殿問答如家人父子相親於一堂之間非天地懸隔邈然不相近也故堯舜禹啟成湯太甲盤庚高宗文武成康宣王之爲君臯夔稷契伊尹仲虺甘盤傅說周召仲山甫尹吉甫之爲臣或都兪吁咈而規戒于朝廷之上或謨明弼諧而陳論于堂陛之間或君告臣而曰予違汝弼爾無面從或臣戒君而曰罔遊于逸罔淫于樂上下之間更相告戒故能贊襄治化而致雍熙泰和之盛以爲不如是則君臣上下情不交孚而治體民情莫得而知也

明文奇賞

卷之十一

四二

我朝 祖宗 列聖之於諸臣常命左右以備顧問或于大誥首著君臣同遊之篇或于 勅諭而有旁招俊乂之語伏望 皇上以歷代帝王及 祖宗 列聖爲法每退朝之後許師保尚書諸大臣及六科十三道五品以上更番于便殿以待顧問各條答事宜必言救時急務如此則足以明四目達四聰而於民間利病無不周知矣

一惇孝義○臣聞伊尹告太甲有曰立愛惟親立敬惟長始於邦家終於四海孟軻氏有曰堯舜之道孝弟而已矣誠以孝弟者百行之本萬善之源天子之所以德

教加於百姓刑於四海者不越孝弟而已矣故大舜父
頑母嚚克諧以孝周文王事王季一日三朝漢高祖五
日一朝太公文帝侍薄太后疾目不交睫衣不解帶是
孝之可法如此唐玄宗初卽位爲長枕大被與兄弟同
寢殿中或設五幄與諸王更處其中或置花萼樓召諸
王同宴是友愛之可法如此臣伏望皇上於退朝之
暇必朝兩宮尊奉太上聖皇太后太后而脩問安
視膳之禮是卽虞舜周文漢高文帝之孝也臣恭惟
太上皇帝君臨天下十四年是爲天下之父也與上皇
上同氣異胞是爲至親之兄也皇上會親受上皇

明文奇賞

卷之一

四一八

之冊封是爲上皇之臣子也上皇親征戎虜被留
虜廷嘗詔旨傳位於陛下是以天下授陛下也

陛下尊之爲太上皇帝是爲天下之至尊幸而奉

迎還官是皇上之至願亦天下之至望也上皇爲

陛下同氣之親兄陛下爲上皇同氣之親弟形

雖爲二其實一人况上皇天性謙冲意無彼此伏望

皇上於朔望日或節旦幸南宮率羣臣朝見上

皇於延安門以序連枝同氣之情以極尊隆崇奉之道

則國家天下之福萬世帝王之法也臣又竊觀北極五

星明大則吉以臣觀之是復中宮之象而位不虛也

誠以后妃之德風之始也所以風天下而正夫婦也今

茲 詔冊妃汪氏爲 皇后以厚大倫之原是以正位

中宮而孝敬勤儉之德已聞於中外矣又 詔冊世

子母阮氏爲 皇后是固所以正大體明彝倫而 中

宮之位久讓而弗居也不意 世子薨逝臣民莫不痛

心此事既往固不必言矣然而 中宮之位不可以久

虛伏望 皇上復召汪氏於正宮則皇子大本不期而

有六宮儀範不期而正 國家之本風化之原自可表

正四方流傳萬世矣至於 皇上推念同氣猶子之義

詔 沂王復居儲位以候皇子之生如此則五倫全備

明 文奇賞 卷之十一 四一九

而和氣充溢於宮廷萬姓愛戴而歡聲洋溢於四海殆

見 天心自回災異自弭而胡虜不足平矣 皇子之義

亦 六宮對雖不期而正 國家之本風化之原自可表

正四方流傳萬世矣至於 皇上推念同氣猶子之義

詔 沂王復居儲位以候皇子之生如此則五倫全備

明 文奇賞 卷之十一 四一九

而和氣充溢於宮廷萬姓愛戴而歡聲洋溢於四海殆

見 天心自回災異自弭而胡虜不足平矣 皇子之義

亦 六宮對雖不期而正 國家之本風化之原自可表

正四方流傳萬世矣至於 皇上推念同氣猶子之義

馬何不一
之言

此言迫而
婉相國司

疏請謚宋臣文天祥謝枋得疏

切見宋丞相少保信國公文天祥弱冠狀元立朝盡節
臨危拜相許國不疑志專恢復屢挫折而不移心切匡
時蹈艱危而不變旣而國亡被執繫獄累年誘之以大
用而不從脇之以刀鋸而不屈卒之南向再拜殺身成
仁收三百年養土之功立千萬載爲臣之極有指南錄
以著其忠愛有集菴詩以寄其憂傷其精忠大節與日
月爭光與天地悠久誠足以正人心而扶世道也及宋
禮部侍郎謝枋得登科對策力詆權奸登策漕司極攻

明文奇賞

卷之十一

五十

時政受任于運去祚移之後抗敵于兵罷民散之餘力
已盡而不支志有爲而不果後元臣程文海等交章累
薦耻仕二姓懇辭不屈參政魏天祐強逼其行誓死不
食終于燕京著爲文章高邁奇絕發明道學羽翼聖經
其清論無愧于先賢有功于後學文天祥江西廬陵縣
人謝枋得江西上饒縣人二賢歿後贈謚未加子孫有
在錄用未及及順天府府學之西舊有文天祥祠堂塑
像尚具儒者衣未復丞相冠服皆爲缺典臣切唯伯夷
叔齊死于殷周之際至宋而追封之諸葛亮顏真卿忠
于漢唐之時至元而加封之古之君天下者若茲所行

盖有所見而非苟焉無益之舉也如蒙 准言乞 勅
禮部翰林院儒臣會同考議量加文天祥謝枋得贈諡
取其子孫量才錄用并將順天府學之西文天祥祠堂
塑像改塑丞相冠服行令有司仍各春秋祭祀庶使天
下之人知爲臣而能死忠死節者雖百世之後亦得暴
白顯揚垂休後嗣以增志士仁人之氣以沮亂臣賊子
之心其于綱常誠非小補



蓋休復足而非黃龍無益之舉也如蒙 准言乞 勅
禮部翰林院儒臣會同考議量加文天祥謝枋得贈諡
取其子孫量才錄用并將順天府學之西文天祥祠堂
塑像改塑丞相冠服行令有司仍各春秋祭祀庶使天
下之人知爲臣而能死忠死節者雖百世之後亦得暴
白顯揚垂休後嗣以增志士仁人之氣以沮亂臣賊子
之心其于綱常誠非小補

一峰先生傳

陳獻章

吾平生有故人曰羅倫字彛正吉之永豐人宋羅開禮之後也性慷慨樂善不疑人欺遇事無所迴避有不可輒面斥人舉成化丙戌進士策對皇大廷頃刻萬言中引程正公語人主一日之間接賢士大夫之時多親宦官宮妾之時少執政欲節其下句倫不從直聲震於時奏名第一爲翰林修撰會內閣大學士李賢遭喪去官朝廷雷之臺諫皆不敢論說倫詣其私第告以不可李公始以其言爲然旣數日復上疏歷陳古今起復之

先生于此
真不激不

用又奇賞

卷之十一

五十二

非是且曰如其不然必準富弼故事終喪劉珙故事言事反復數千言一本于天理人心之不容已者孔子曰勿欺也而犯之倫以犯顏敢諫爲大救時行道爲急其負荷之重未嘗一日忘天下故發憤如是疏奏遂落職提舉泉州市舶司倫雖見逐而士論益榮之由是天下之士爭自刮磨向之不言以養忠厚者爲之一變而終倫之世臺省未聞有起復者矣倫雖以此爲人所知然亦以此取疾於人明年召還復倫撰改南京供職尋以疾辭歸開門授徒日以註經爲業垂十年卒于退居之金牛山世之知倫者不過以其滂沛之文奇偉之節

蓋得快哉
胸中有浩
然

果敢之氣而已至其心之所欲為而力之所未逮未必
盡知也嘗欲倣古置義田以贍族人或助之堂食之錢
謝而弗受或衣之衣行遇乞人死于途輒解以覆之客
晨至留具飯其妻語其子曰瓶粟罄矣之旁舍于之比
舉火日已近午亦曠然不以為意提舉泉州官例應得
折薪錢其人欺以乏告即放遣之不復問予嘗遣人訪
之山中結茅以居取給於隴畝往來共樵牧若無意於
世者時或作為文章以發其感慨之意而入亦莫之知
也論曰倫之必為君子而不為小人較然矣如倫之才
少貶以狗人雖欲窮晦其身寧可得耶以其所學進說

用又奇賞

卷之十一

五十二

於上世目之為狂何足怪也孟子稱豪傑之士雖無
文王猶興若倫者今所謂豪傑非歟無導于前而所立
卓然人莫能奪之又曰倫才大不及志其青天白日足
稱云

蘇東坡以詩取飲氣相類皆來共賦於此無以飲

蘇東坡以詩取飲氣相類皆來共賦於此無以飲

蘇東坡以詩取飲氣相類皆來共賦於此無以飲

祭文

告羅一峰墓文

陳獻章

嗚呼先生今曷爲而往始曷爲而來處則猷猷之逸民
出則文章之鉅魁其洞徹不欺之心炳中天之杲日而
轟動出羣之氣殷百蟄之春雷知先生者儼先生於非
海不知先生者謂松楠弗類反見日於榆槐先生見賢
必親聞善必錄遇惡必摧存而知亡過而能裁隨時變
化有闔有開而平生念慮所存其大者正君正朝廷正
三綱正萬民正四方皇皇之憂耿耿之忠則至死而勿
頹貧賤而不爲戚患難而不以回成化己丑之夏予遇

明文奇賞

卷之十一

五十四

先生於南畿蓋簪之驪忘形爾汝卽三宿而後別去屢
反顧而徘徊先生贈予南歸之文予贈先生草亭之什
既而各伸其戒曰我不枉已君無鑿坏孰謂先生去官
而死曹溪之約不遂麗澤之資何有而今而後復仰望
於何誰嗚呼惜哉宿草之墓朋友弗哭禮之常也非予
與先生之宜也先生有知歆此絮醅尚饗

明文奇賞卷十二目次

羅倫

記

宋文丞相祠堂記

疏

扶植綱常疏

論

嚴子陵高士論

序

送陳僉事夢祥歸序

明文奇賞

卷十二目次

商輅

疏

邊務疏

修省疏

請革西廠疏

啓

謝顧光祿送金魚啓

謝李郡伯建三元坊啓

雜著

奉題高宗御書後

冒雨尋菊述

祭文

祭李文忠公文

王恕

疏

陳輔治疏

馬文升

疏

預防黠虜奸謀疏

楊守陳

明文奇賞

卷二百次

序

重鎔誠意伯文集序

送閩憲副何廷秀序

何喬新

書

與彭學士書

丘濬

論

樂毅論

劉健

疏

陳愚見以裨聖化疏

李東陽

疏

論時政十失疏

劉大夏

疏

議行武舉疏

程敏政

傳

用文奇賞

卷一百次

三

湯胤績傳

辨

宋太祖太宗授受辨

致語

僖大甲辰元夕節宴奉 皇太后致語

論

李東陽

劉

疏

明文奇賞卷之十二

史官陳仁錫明卿甫評選

論

嚴子陵高士論

士固有志
不出可也
似不必深
求

先生少與光武同學莽之亡漢之興孰不願出以自見
而先生方且變姓名走匿不暇是豈無意哉帝思之至
於物色乃出而就見顧謂帝差增於往則先生之平日
其不足帝者深矣考其時先生年六十有八帝年三十
有四以師友事之而不可以臣之亦明矣撫先生腹而
共偃臥道故舊曰我固不能下汝邪雖不忘同舍燕昵

明文奇賞

卷之十二

一

之樂而無屈已下賢之誠宜先生臥不起語不應而曰
士固有志也且帝力委政侯霸霸之家世素以宦者進
又顯仕于莽先生將唾惡不暇而霸反以手書坐致先
生先生責之而帝笑曰狂奴故態夫不坐霸以侮賢傲
物之舉乃供爲戲謔指目之詞光武君臣之間相與如
此而謂先生仕乎自是而殺韓歆廢郭后易太子又未
幾而封太山秦祥瑞頌圖讖于天下然則先生與帝同
學者何學哉使先生爲諫議大夫於此可以無言哉言
之不聽而去亦陋矣見幾而作不俟終日先生殆計之
審矣誰謂先生失志終身遇明主而以不仕爲高邪

疏

扶植綱常疏

羅倫

賢所願言
天亦能之
侃然自負
天何不寬
其用

臣聞 朝廷援楊溥故事起復李賢者臣竊謂李賢大
臣起復大事綱常風化之所繫天下後世之所監伏讀
聖諭曰朕夙夜惓惓欲正大綱舉萬目使人倫明於
上風俗厚於下 陛下是言真可為國家扶綱常為天
地立民極為萬世開太平者也然欲正大綱莫先於明
人倫厚風俗欲明人倫厚風俗莫先於孝孝者天之經
也地之義也國而非此不可以為國家而非此不可以
為家人而非此則禽獸矣中華而非此則夷狄矣故先

明又奇賞

卷之十一

二

王制禮子有父母之喪君命三年不過其門所以教人
孝也古者求忠臣于孝子之門誠以居家孝故忠可移
於君為人臣者未有不孝於親而能忠於君者也為人
君者未有不教其臣以孝而能得其臣之忠者也昔子
夏間三年之喪金革之事無避禮與孔子曰魯公伯禽
有為而為之也今以三年之喪從其例者吾弗知也
陛下於李賢以金革之事起復之歟則賢所未聞也以
國家大臣起復之歟則禮未之見也以故事大臣當起
復歟則為君者當以先王之禮教其臣為臣者當據先
王之禮事其君臣不暇遠舉請以宋事言之仁宗嘗以

故事起復富弼矣弼之辭曰何必遵故事以遂前代之非但當據禮經以行今日之是仁宗卒從其請孝宗嘗以故事起復劉珙矣珙之辭曰身在草土之中國無門庭之寇難冒金革之名以私利祿之實孝宗允其辭此二君者未嘗拘當代之故事以強起其臣此二臣者亦未嘗循當代之故事以苟從其君故功澤加於當時名聲垂於後世史筆書之以爲盛事士夫誦之以爲美談此無他君能教其臣以孝臣有孝可移以忠於君也自是而後無復禮義史嵩之欲援例起復爲丞相王黼起復爲執政陳宜中起復爲宰相賈似道起復爲平章此

明文奇賞

宋之十一

三

數君者未嘗不以當代之故事起其臣此數臣者未嘗不以當代之故事從其君然生靈以之而困天下以之而亂社稷以之而傾貽禍於當時遺臭於後世此無他君不教其臣以孝臣無孝可移以忠其君也詩曰殷監不遠在夏后之世臣願陛下以宋爲鑒使賢盡孝於君親爲萬世之大臣陛下以禮處賢爲萬世之大君此臣之願也亦賢之分也若以賢身任天下四方多虞而起復之與則仁宗之時契丹桀驁未爲無虞也孝宗之時金虜盛強未爲無事也陛下必欲賢任天下之事不專門內之私則賢身不可起口則可言宜降溫詔

俾如劉珙不以一身之戚而忘天下之憂使賢於天下之事知之則必言言之則必盡陛下於賢之言聞之則必行行之則必方則賢雖不起復猶起復也使賢於天下之事知之而不言言之而有隱陛下於賢之言聞之而不行行之而不力則賢雖起復猶不起復也陛下無謂廟堂無賢臣衆庶無賢士君孟也臣水也孟圓則水圓孟方則水方君好諫則臣直好諛則臣佞陛下誠能於退朝之暇清閑之燕畧崇高貴重之勢親直諫博洽之士開懷延納降禮尊賢講聖學之大要明君道之急務詢政事之得失察生民之利病訪人才之

明文奇賞

卷之十二

四

賢否考古今之治亂詠風俗之盛衰咨邊防之緩急舍己之見而以衆人之見爲見舍己之知而以衆人之知爲知順肯之言則察而逐之使貢諛保寵者無以自容忤肯之言則容而受之使輸忠爲國者得以自盡羣策畢陳衆賢並用則賢所欲言者人亦能言之又何必違先王之禮經拘先朝之故事損大臣之名節虧聖明之清化而後天下可治哉朝廷舉措大臣出處天下觀之史筆書之清議雖不行于朝廷天下以爲何如公論雖不行于今日後世以爲何如誠不可不懼也夫賢之起復猶解之曰負天下之重任應先朝之

故事比年以來。美朝廷以奪情爲常典。縉紳以起復爲美名。不知先朝自楊溥之外。未聞起復某人爲某官也。今起復之官。何如此之多耶。以其高謀遠慮。足以決天下之大議耶。何未見其發也。以其折衝禦侮。足以定天下之大難耶。何未見其能也。以其直節勁氣。足以勵天下之士習耶。何未見其有也。以其深仁厚澤。足以浹天下之民心耶。何未見其行也。以其忠言讜論。足以裨朝政之闕失耶。何未見其疏也。在已者未能直入。忘親者豈能忠君。望其直人而先枉已。望其忠君而先忘親。陛下何取於斯人。而起復之哉。今天大臣起復。羣臣不以

明文奇賞

宋之十一

五

爲議且從而爲之辭。所以豫爲已地也。羣臣起復。大臣不以爲非。且從而成其事。亦所以豫爲已地也。大臣既無忌。羣臣復何慙。羣臣既有例。大臣復何辭。上下成風。混然同流。致有公無起復之例。私爲匿服之計。例在博恩。則匿服以受封。例在得官。則匿服以聽選。例在掇科。則匿服以應舉。例在遷官。則匿服以候遷。例在求賄。則匿服以之任。率天下之人爲無父之歸。臣不忍。聖明之世。風俗之敝。綱常之壞。一至於此也。夫上有好者。下必有甚焉者。陛下誠能守先王之遺禮。遵祖宗之成憲。待之以禮義。而不糜之以爵祿。激之以廉恥。而不

誘之以名位使積習之弊脫然以除則忠孝之心油然而生向雖忘其親今則爲孝子向雖後其君今則爲忠臣特在乎 陛下轉移之間何如耳天子者以孝治天下者也大臣者佐天子以治天下者也欲孝行於天下必先行於大臣臣願 陛下不惑羣議斷自 聖衷取回內臣許令李賢依富弼劉珙故事守制其餘已起復者悉令終喪未起復者悉許守制脫有金革之事亦從墨衰之制任國事于外盡心喪于內將見 朝廷既正則天下自正大臣既行則羣臣自效人心天理不可泯滅誰肯甘心爲不孝之子覩顏爲不忠之臣乎綱常由是而正人倫由是而明風俗由是而厚士心由是而純紀綱由是而張國勢由是而一矣

明文奇賞

卷之十二

六

此處有模糊的書法題詞，內容難以辨認，但可見其為行草書體。

何序異者士始對鍾離亭昔險止故幸今世無其人
入社送陳僉事夢祥歸京拔其丞相桑梓羅倫不
後世苟不公至今無聖賢歐陽子之言也何待後世乎
人心天命之至公天命不息人心不死斯民也三代之
所以直道而行也古之君子或屈于一時而伸于萬世
讓于善夫而信于天下君子之心初容有待于天下後
世哉而天下後世之人心自不能舍君子而歸之天命
之公不可解于心也蓋嘗觀于易乎君子者陽之剛小
人者陰之柔剛常正陰常邪剛常明柔常暗剛常公柔
常私剛常大柔常小剛進柔退則成泰而天下蒙其福

明文奇賞

卷之一二

七

柔進剛退則成否而天下受其禍孔子曰吾未見剛者
孟子曰至大至剛孔子孟子之所謂剛吾未見其人矣
見其似者可矣今之君子若尚書王公公度御史謝君
元吉太守楊君繼宗僉憲陳君夢祥亦庶乎其似者非
歟尚書不得其職數月去御史三上章出百日謫去太
守屢抗強武乞錢若水例致其仕去僉憲九載不遷辟
讓去或曰子剛僉憲何居呂刑曰非訖于威惟訖于富
僉憲以之虞廷之剛登之配天後世之剛擠之落甯聖
人作易扶陽抑陰剛者惟恐其不盛柔者惟恐其不衰
何獨異于士哉埋輪都亭借劍上方幸今世無斯人有

宋文丞相祠堂記

羅倫

公文秋直
木加器裁
此作又從
御鈔引

爲臣死忠爲子死孝一也可以動天地可以感鬼神可
以貫日月可以孚木石可以正萬世之人心立萬世之
天常孟子曰我善養吾浩然之氣以塞乎天地之間夫
殺身成仁舍生取義非浩然塞乎天地之間者能與於
斯乎若宋丞相信國文公是已公名天祥甫弱冠奉廷
對陳君道之大本經世之急務文思神發萬言立就可
謂天下之大才矣董宋臣主和議公上章乞斬之呂師
元偃蹇傲命公又上章乞斬之賈似道誤國要君公當

明文奇賞

卷之十一

九

制以義裁之勤王詔下重臣宿將縮頸駭汗公提孤兵
獨往當之虜次臯亭三宮震動宰相遜荒挺身獨往就
之可謂天下之大勇矣夫慷慨就義決死生于一且中
人猶或能也若歷履萬死其執彌堅其志彌厲非仁者
其能乎方公之使虜詆大酋罵逆賊當死脫京口走真
州如揚州趨高郵抵太通州苗再成逐之李庭芝疑之
外迫於虜寇內煎於飢饉無日而不當死然後遵海道
涉鯨波歸立二主開督南劍敗績於空坑仰藥於潮陽
絕粒於南安當死歷萬死而不死卒之就囚燕獄從容
南向而後死震動天地照耀萬世可謂天下之大忠矣

夫公之忠誠能墮空山之石能通七里之神能作廣陵之風雨能起夷狄豺狼之敬悚而不能免賈似道之沮黃萬石之疾李庭芝之疑陳宜中張世傑之忌何也蘇子曰其所能者天也其不能者人也其斯之謂與宋之亾也死國者多矣陸秀夫張世傑死于海李芾死于潭趙鼎發死于池姚崇死于常趙世賞死于洪先君武岡公開禮死于吉安公制服哭祭之督府行朝死者不可勝數雖然死矣未有如公之出萬死而後死也微子之去箕子之囚龍逢比干之諫伯夷叔齊之饑諸葛武侯之鞠躬盡瘁備於公一身矣自古亾國之臣未有如公

明文奇賞

卷之十一

十

之烈也收宋三百年養士之功立千萬載為臣之極不

在于公乎非仁者之勇浩然而塞乎天地之間者乎公

去今二百年順天祠公于學宮鄉郡祠公于城南公之

義氣副才此一事更不行

子孫祠公于富田富田之祠元季兵變為橫民所奪龍

鳳間僉事李公飲冰復之正統間知府陳公本深繼之

景泰間都憲韓公雍奏加謚號錄用子孫今上成化二

年僉憲李公齡來掌學士以公九世孫繼宗入學俾公

鄉人周不憲割田贍之是皆有功於名教可書故書之

以詔萬世之為人臣者

奏疏

邊務疏

商榷

題爲邊務事。臣竊惟守邊一事最爲今日急務。近聞各邊操守官軍多係有名無實。其故何也。一則軍士寡弱。一則衣食艱難。夫軍士寡弱以戰則不能。衣食艱難以守則不固。邊城有此二弊。名雖爲守。實乃棄之。今之議者皆以遣使爲請。而謂邊方之事似不可爲。殊不知天下之事未有不可爲者。特患失於姑息。困於因循。則事始不可爲耳。臣訪得大同宣府獨石馬營等處原操守官軍在邊年久。服習水土。屢經戰陣。自正統十四年達

明文奇賞

卷之十二

十一

賊侵犯。或漫散赴京。或因該管頭目帶領來京者。一向資緣在京居住。卽日獨石宣府等處多係各處新撥。并河南輪班官軍。在彼操守。且輪班官軍既無室家。可恃又無田地。可耕。因循度日。懸望更替。欲爲久遠之計。難矣。若朝廷失于姑息。安于因循。聽令各軍巧立遊擊等項名色。將前項官軍占畱在京。不行發遣。則邊境城池愈見空虛。設有賊情。將何備禦。前件如蒙准言。乞敕兵部卽將口外大同宣府獨石馬營等處。正統十四年以前原操守官軍。見在京居住者。逐一查究。并其家小盡數發去。口外各該地方。照舊住種操守。不許各

官仍前巧立名色占悞阻當違者治以重罪或有言前項官軍善戰合留在京操備者此不知輕重之論蓋京師百萬人馬縱得前項官軍不見其多不過跟隨各頭目營幹家事而已若邊城得此官軍可以壯威武可以禦賊寇可以使其成家立業爲久遠之計其爲益豈不大哉惟陛下不惑羣議斷然發遣則邊境得人而藩屏自固矣臣又訪得口外田地極廣除屯田軍士地畝已有定額外其守城守關軍士多無田地耕種推原其故蓋因先前在京功臣等官之家將口外附近各城堡膏腴田地占作莊田以次空閒田地又被彼處鎮守總

兵叅將并都指揮等官占爲己業每歲使軍夫耕種收利肥己其守城等項軍士非但無力耕種雖有餘力亦無近便田地可耕卽日守邊緊急在京官員雖不能役使口外軍夫撮借官牛等項其弊仍愈盡革若士朝廷失於姑息安於因循不卽將前項田地撥與各城軍民耕種則衣食無由足給而邊城愈見空虛前件如蒙不准言乞案敕戶部選差能幹官員分投前去大同宣府懷來永寧等處會同各該都御史御史等官將在京官員應有莊田并彼處勢要之家占種田地盡數分派與附近軍民爲業若係原起科田地亦須酌量從輕起科

今但講練
兵不講衣
食可晒

仍乞 敕各該鎮守總兵等官將各城堡軍士分作二
班。每上班六日。令其照例操守。下班六日。盡數督令耕
種。俟收成之後。併力備禦。仍禁革管軍頭目不許多種
田地。如此則軍士之衣食自給。而民間之轉輸可省。夫
且耕且守。古人如漢趙充國。諸葛亮。晉羊祜。皆已行之
明效。大驗。著在史冊。今日守邊之要。莫善于此。若舍屯
種之外。而欲邊城充實。雖傾府庫之財。竭生民之力。軍
士數多。歲月久遠。亦難繼矣。若有言前項功臣等官不
可以無莊田。則或于腹裏遠近地方。量宜撥換。口外之
地。決不可聽其置作莊田。侵損守邊軍士。有誤國家

明文奇賞

卷之十二

十三

大計。實爲不便。又訪得永平等關口官軍精壯。人民
安業。而紫荆倒馬一帶關口官軍怯弱。關內人民不免
驚疑。推究其故。蓋永平等處係本土官軍。而紫荆倒馬
等關係在京撥去輪班官軍。衣食不足。全無固志。賊寇
若來。不過爲逃走之計耳。此事屢有人言。而本部未卽
施行者。其意蓋謂京師根本之地。宜留保定等處精銳
官軍在京操守。殊不知方今急務守邊。爲上守關次之。
若徒守京城。此爲下策。何也。若邊方失守。則關隘緊急。
關隘失守。則腹裏人民。望風流移。人心搖動。變故百端。
縱有京師軍馬。當寇在遠。亦何所施。又有言在京管軍

至計

宰相知是
是第一義

如此修自
賢于青末
角帶速矣

頭目利保定等處官軍供給柴草因此占留若果有此
尤為不可前件如蒙 准言乞 敕兵部將保定真定
等處在京備操官軍發回附近各關口定立班次永遠
操守如有不敷於附近衛所遞相撥補却將見在各關
輪班管軍盡數取回在京備操如此非惟兩免重支口
糧抑且邊關得人而京師鞏固雖有千百也先亦何足
慮凡前三事于守邊守關頗為切要但恐于人情有碍
伏望 陛下決意行之則邊方幸甚 而其關隘而
脩省疏

題為脩德弭災事昔漢臣董仲舒告武帝有曰天人相
明文章賞 卷之十二 十四

與之際甚可畏也國家將有失道之敗天乃先出災害
以譴告之不知自省又出怪異以警懼之尚不知變而
傷敗乃至以此見天心之仁愛人君而欲止其亂斯言
也古今以為名言茲者彗星見於天田西掃太微北近
紫宮其譴告警懼之意至矣仰惟 皇上憂切于心切
諭羣臣同加脩省是能體 上天仁愛之心而欲脩政
以弭之也其時政得失生民利病諸文武大臣已條陳
上達矣然德者政事之本書曰惟先格王正厥事孟軻
曰君正莫不正蓋正萬事必以正君心為本臣備員近
輔無以少裨萬一實深媿懼謹采脩德安民大要條陳

如左。○一日正心術夫天下之道二正與邪而已正者
二帝三王聖賢之道也邪者佛老異端之教也自古人
君崇正道者無不安享治平之樂感邪教者未有不致
危亡之憂載諸史冊歷歷可鑒臣等仰惟 皇上聰明
聖知豈不知所決擇而頗留意佛事者聊以試之非誠
信之也然外人聞者竊以爲議謂內府一次脩齋街市
一次騷擾中間委曲誰敢直言之不已漸失人心伏
望 皇上畱心聖學毋信異端以正本原減去內府脩
齋如遇節令止照常例于在外寺觀舉行可也脩德應
天之本莫先于此。○二曰謹命令夫玉言如絲其出

明文奇賞

卷之十二

十五

如綸言命令之出不可不慎也伏聞 祖宗以來凡傳
旨意必專任人如此則責有所在事無虛僞近來
聖旨行于光祿寺內府各衙門者傳奉不一政出多門
人得詐僞將來之弊有不可言伏望 皇上今後斟酌
事體可否如有可行必令司禮監傳 旨庶幾命出於
一事有可稽而無弊矣。○三曰親接見夫君天也臣地
也天地之氣交則爲泰不交則爲否君臣之道何以異
是往古事鑒不敢枚舉惟我 祖宗列聖在位未有不
接見大臣議論政事者君臣情通政是以和今 皇上
視朝卽退端拱九重不一接大臣於便殿天下軍民利

病何由盡知。豈以首出庶物。自能洞察四方邪。抑以臣下庸劣。不足與議也。如臣才疎識淺。不足以備顧問。在廷大臣。豈無一可伏望皇上。日御便殿。或三二日。一召文武大臣。忠直有識者。面議政事。而可否之。或詢軍民之休戚。或訪人才之賢否。或察治體風俗之得失。有疑于心。必詢于衆。聽覽日熟。未必無少補益。○四曰。慎賞罰。夫賞罰二者。人君治天下之大柄也。賞當功。罰當罪。則人心服。一有不當。則人心不服。故欲服人心。莫先於慎賞罰。慎賞罰。尤莫先循舊章。守成憲。近者道路傳言。謂賞與太濫。近幸無故而受金帛者多。工匠無功而冒官職者衆。此非舊典所有也。用刑太深。有法不該。充軍而充軍者。有罪不至死而死者。此非成憲所宜也。伏望皇上。節賞慎刑。惟舊典成憲是循。是守。使人無偏私枉濫之議。則公道彰。治法正矣。○五曰。納諫。諍夫日有萬機。而事有萬變。非兼聽博采。何由一一當理。是故伊尹以從諫。弗咈美成。湯傳說以從諫。則聖望高。宗而後世之稱賢君。亦必以聽言納諫爲首事也。伏望皇上。以古之聖主。明君爲法。虛心屈已。聽受羣言。勿惡其切直。勿忽其迂遠。苟有當理。卽賜施行。如此。則官賞政刑不致垂失。而下情得以上通。天下利害。軍民困苦。皆

得聞知而久安長治之道在是矣。○六曰勵官守書不
云乎。臣作朕股肱耳目。言君臣一體也。今五府六部等
衙門非股肱之職乎。給事中御史非耳目之司乎。股肱
舉動合宜。耳目聞見不謬。則元首尊安。爲成人矣。但今
承平百有餘年。文恬武嬉。事多因循。究其弊端。難以枚
舉。大槩主于奉承。止旨而嫌于違覆。或直行己意。而
不加勘酌。是以其事不便于軍民者多矣。有識者徒能
竊議而不敢言。意謂目前苟安。懼煩瀆也。豈知今日
下人愁怨。感動天變。如此之甚乎。伏望皇上戒勵各
官。慎脩厥職。今後令職股肱者。凡遇事有不便宜。再三

執奏毋率意行。下結怨于民。司耳目者。但有事爲民厲
官爲民盡者。卽便舉奏。毋徇情容。隱務使庶官變。因循
爲奮勵。各舉厥職。興起事功。然後政善民安。可與也。○
七曰恤軍民。書曰。民惟邦本。本固邦寧。此不易之言也。
然軍出力以衛民。民出賦以供軍。軍民相資。邦本乃固。
近來管軍管民官員罔體朝廷愛養軍民之心。因公
科斂弊出。百端軍民窮困日甚。一日若此者。天下皆然。
而畿內尤甚。何也以差役煩重。又無所資以爲生也。舊
日牧馬草場。積年開種田地。今多爲有力者侵占。故馬
死而罪責至。地少而衣食窘。懷憤蓄怨。非一日矣。伏望

皇上命該部清理三營草場使官軍便於牧放減退
勢家莊田使百姓便于耕種以資生理其各處衛所府
州縣官有巧立名色或謂措辦或謂區畫或謂罰贖或
謂勸借等項科歛倍尅軍民財物者乞令都察院嚴行
禁治毋令恣意腹削以致下人困苦歸怨于上如此軍
民各得其所而邦國永寧矣凡此七事實出輿論言之
似若違忤行之必有裨益蓋天之視聽在民民心感悅
然後天意可回惓惓愚衷實在于是伏望 皇上鑒除
舊布新之象斷自 聖心力行新政以正心爲脩德之
本以餘事爲脩德之助德脩于上則羣臣咸知感激效

明文奇賞

卷之十二

十八

職而安養軍民之政次第可舉行矣轉災爲祥莫切于
此晏嬰曰君無違德何患于彗此之謂也臣不勝悚懼
之至謹昧死止言

題爲體天道循舊章安人心弭災異事仰惟 皇上臨

方是言人
小敢言而
言出宰相
吏部不取
科名天

御以來敬 天法 祖任賢使能政事脩明紀綱振舉
是以十餘年間海內晏然雖天象屢以示戒而災變自
消雖水旱比歲相仍而民無離叛實由 皇上寬仁大
度省刑薄斂慈仁愛人之心感孚于上下也夫何近日
伺察太繁法令太急刑網太密官校提拿職官事皆出

于風聞暮夜搜檢家財。初不見有。謂駕帖人心洶洶。各懷疑畏。內外文武重臣。託之爲股肱心膂者也。亦皆不安于位。百司庶府之官。資之以建政立事者也。舉皆不安于職。商賈不安于市。行旅不安于途。士卒不安于伍。庶民不安于業。承平之世。豈宜有此。究其所以。蓋緣陛下委聽斷於汪直之一人。而汪直者。轉寄耳目於羣小。汪直之失。雖爲未甚。而羣小之中。其奸謀足以顛倒。是非其巧佞。足以蠱惑人心。如韋瑛者。自言親承密旨。得專予奪之柄。自謂百官進退。盡在掌握之中。擅作威福。虛張聲勢。甚有同惡相濟。如王英者。則以附已而荐之。稍存公論。有所諫正者。則以異已而黜之。如狼如虎。肆無忌憚。原其立心。惟知希求進用。以爲一身之榮。不知傷害善良。虧損國體。大爲聖德之累。陛下若爲防微杜漸。不得不然。則前數年間。何以帖然無事。往者曹欽之反。皆由逢臬生事。有以激之人。所共知可爲明鑒。昔唐太宗當天下甫定之後。骨肉相殘。羣雄側目。嫌疑之際。宜乎過慎也。而乃從魏徵仁義之言。拒封德彝刑罰之說。遂致海內殷富。斗米三錢。外戶不閉。幾于刑措。太宗因封德彝死。謂羣臣曰。此魏徵勸我行仁義之效也。恨不令封德彝見之。夫德脩而民自化。法急

而民愈亂。攷之前史。歷歷可驗。孔子曰。道之以政。齊之以刑。民免而無恥。道之以德。齊之以禮。有恥且格。我國家積德百有餘年。深仁厚澤。浹洽人心。四方萬國。莫不歸戴。陛下爲守文令主。嚴刑峻法。誠非所宜。况今天鳴地震。無處無之。水旱災傷。日甚一日。省躬念咎。弭災息患之道。莫先于恤刑獄。莫要于安人心。而乃反此所爲。使人人嗟怨。感傷和氣。一旦有警變。且莫測腹心之患。可不懼乎。可不慮乎。伏願皇上體天地之包容。勿察察于事情。遵祖宗之成憲。勿屑屑于改易。其旨意必經于六科。防將來之假冒。奏疏必由于通政。杜

濫受于他門。責政事于府部。而嚴課功覈實之權。付刑獄于法司。而申三覆五奏之令。收回伺察之人。誅逐奸邪之輩。其有謀逆奸細。并貪贓壞法。重情恣依。舊規委任。歷練老成之人。管理如此。則讒言不入于耳。自足以頤情而養神。苛政不加于下。自足以安邦而定國。延聖壽于萬年。保皇圖于不拔。其端皆在於此。不然此風日長。衆口嗷嗷。國之安危未可知矣。臣等荷陛下生成之德。寘諸宥密之地。一念愛君之心。拳拳朝夕。有所聞見。豈容緘默。謹條陳大畧。具題以聞。伏候聖斷。卽賜施行。則宗社幸甚。天下幸甚。臣等謹俯伏

俟命○去舊設刺事人員專一緝訪謀反妖言強盜人命及盜倉庫錢糧等項大事今西廠專却尋搜細故凡街市鬪毆罵詈爭雞縱犬及一時躲避不及者或加捶楚或煩瀆○聖聽置于重法以致在城軍民驚皇不安○一官職有犯緝訪得出請旨拏送經該衙門開招明白有罪者奏請發落供明者請旨還職係是定制今聞西廠將廣西勘事郎中武清自通州聽選方面官劉福自歇家俱拏到廠監禁數日輒又釋放且武清係五品官劉福係正三品官擅拏擅放恣意所爲紊亂朝政莫大于此○一官員犯罪追贓者法司自有成規

明又奇賞

卷之十二

二十一

今西廠擅自封兵部武選司門以後遇官員有犯正身未曾問招先將本家門封閉或黃夜越牆進入搜檢財物或將命婦剝去衣服用刑辱打被害之家有同抄劄以致各衙門大小官員驚惶不安若從此不止日後或有奸人強盜假名害人者真偽何由而辨○一京營管軍頭目俱係朝廷托以重寄之人其公私勤惰朝廷自有賞罰今聞西廠不論有無事情一槩令人跟緝鈴束以致各懷危疑不安○一各處鎮守總兵官乃一方安危所係既被選用當任之無疑待之從厚其或有事不得不差人體訪事畢卽已今聞西廠各處差人採

聽事情彼一聞之無不慮恐患及退縮自保誤事非輕
○一各布政司多有王府所在今西廠差校尉分投
去彼行事不但官司驚疑各王府亦未免自危事生
不測天順年間曾差校尉各處行事皇上即位之初
卽已革去後三四年尚有假充校尉詐錢害人者此明
驗也不可不懲○一河道係兩京各處錢糧貨物經由
之路要在通行不宜阻滯今聞西廠官校分布沿河一
帶遇有船到卽加盤問間有公差官員被其摻檢以致
往來客商軍民人等聞風驚疑有未起程停止不來者
有在中途寄放回還者似此貨物不通將來京師公私

明文奇賞

卷之十一

三二

費用何以仰給抑恐奸盜假此摻船劫人卒難禁止○
一朝廷威福不可下移自立西廠之後太監汪直每
日外出跟隨之人數多但遇官員人等無不喝令下馬
雖大臣亦謹迴避如兵部尚書項忠當早朝鼓響伺候
之時汪直令校尉就左掖門下呼叫項忠不待朝罷被
校尉擁逼而去其欺凌大臣如此至于法司郎中御史
等官每遇弔查文卷俱要親齎赴廠竟日伺候不得一
見又如東西兩長安門牌上用黃紙帖寫太監汪傳奉
○聖旨不書其名滿朝官員見者無不驚駭○一百戶
章瑛係無籍小人累投勢要不肯容畱從征僥倖得陞

前職自夤緣投西廠行事之後發人事情言多失實又
引進譎詐小人王瑛結爲心腹專一許人陰私以固信
任凡前項拿人放人擅封門戶捺檢家財凌辱婦女驚
動人心紊亂朝政等項俱係二人所爲○一臣等切詳
此等事情非惟與治體相關又與天道災異相關何也
去歲七月以後有妖物出自西北遠城傷人當時人言
必有應驗及妖怪方息遂立西廠驚駭人心一如妖物
害人之時以此觀之天道預先示戒不可不慮今太監
汪直年幼未諳世事止憑韋瑛等主使呈報中間固有
一二似爲禁革奸弊奈非祖宗舊制所革未多其失

明文奇賞

卷之二十一

二二

人心則已甚矣中外騷然安能保其無意外不測之變
若不早爲除革一旦禍興卒難消弭伏望聖皇上斷自
宸衷革去西廠罷黜汪直開住以全其身將韋瑛王
英拿送法司會同錦衣衛推問明白治以重罪如此則
人心可安天意可回矣

此等事情非惟與治體相關又與天道災異相關何也
去歲七月以後有妖物出自西北遠城傷人當時人言
必有應驗及妖怪方息遂立西廠驚駭人心一如妖物
害人之時以此觀之天道預先示戒不可不慮今太監
汪直年幼未諳世事止憑韋瑛等主使呈報中間固有
一二似爲禁革奸弊奈非祖宗舊制所革未多其失

論

茅焦論

商 輅

嫪毐之亂秦王遷太后於雍容之諫而死者二十七人
 焦也後至不畏鼎鑊而力爭之由是秦王悟而迎太后
 焉復為母子如初譚者以為穎考叔之錫類不是過也
 意長信非母弟之親宣淫非溺愛之比秦之宣王有知
 太后不得入莊襄之廟矣不為楚也妻則不為政也母
 雖誓之黃泉老死雍里亦不足以謝先王而何焦之汲
 汲於諫也春秋之義絕不為親於文姜則然非仇母也
 以父而仇之也帝太后非莊襄之仇乎始皇惡得而母

明文奇賞

卷之十一

二十四

不殺謂相
如正刑

之焦其未聞春秋之義邪且曰車裂假父撲殺二弟此
 何人也而父之弟之其忍汚諸口吻哉然則始皇何以
 悔而從之焦之說曰秦方以天下為事而夫王有遷母
 之名恐諸侯聞之而倍秦是始皇之樂從者非為天性
 之親也欲帝業之速成而懼諸侯之連衡也然則焦之
 諫固戰國之奇士而亦穎考叔之罪人也漢書卷之九十五
諫書對至不畏鼎鑊而力爭之由是秦王悟而迎太后
嫪毐之亂秦王遷太后於雍容

茅焦論

論

啟

謝顧光祿送金魚啟

商輅

僕本江湖下品，瓦缶疎材，偶荷大造之甄，陶實嗽諸賢之餘潤，幸龍門之一躍，愧謝輒之多年，每懷在藻之思，何有運甕之志。茲承惠我瑤品，饋以金鱗，乍注清泉，漸投芳餌，既員且潔，體範明月之規，復湛而虛光，奪玄珠之窟，過雲留影，飛鳥驚形，不知家在塵中，恍若身臨海上。見游咏之自得，知升斗之水生，羨浮沉之相忘，喜風波之患不作。某本無長鯨之量，適負揚鱗之羞，今雖曳尾泥塗，尚冀鼓鬣演渤，更望相濡相煦，効比目於天。

明文奇賞

卷之十一

二十六

池不苦不歲學全身於瓦合

謝李郡伯建三元坊啟

蓋今

三元及第，今爲隔世之虛名，刺史表間，又作他時之故事，未嘗忘我，何以報公。昔高密爲鄭康成，建通德門，穎陰爲荀朗陵，改高陽里，皆邑令崇一鄉之虛譽，與時流爲千載之美談，孰若掄魁之坊，出自相公之筆，如坐會同館而張冰篆，如游法華寺而觀邕碑，波戈疇金鳳，而欲飛閭巷，疑著龜而再轉，雖進士之科，未復然化民之意，已多其因念平生真堪一笑，袞龍殿上，嘗誇獨對之二千，朱雀橋邊，今作尋常之百姓，進不得陳箕子之洪

蘇雜著公琴臺坐側疏水字中林半鏡蓄文阿筆下效

右宋高宗御書杜少陵詩四章予友太學生方淵家藏舊物也相傳淵九世祖金紫光祿大夫閻休致陞辭目高宗適書此詩因以錫之時紹興辛亥歲也以其詩攷之良是閻仕歷右文殿修撰而階金紫光祿者階進而官不進也龍草御寶光彩如新觀此可以想見當時君臣相得之意然說者謂高宗是時金耻未雪宜詰戎兵以陟舊服翰墨非其所急殊不知文事武備不可偏廢光武投戈講藝前史美之高宗惟不用儒而已使其真

明文奇賞

卷之十一

二十八

能嚮用儒術則中興之業當不在光武之下而如金紫公者亦安能奉身而退得以直遂其山林之趣也哉淵字向本學識卓異先世遺物能珍惜若是誠方氏賢子孫云

貝冒雨尋菊述文

白帝徂秋黃金勝友解塵成契冒雨相邀問涼燠則鴻雁在天叙交游則芝蘭滿室砌花舒菊還同載酒之園岸葉低松直枕維舟之浦參差遠岫斷雲將野鶴俱連滴瀝空庭竹響共雨聲相亂抑折巾于書閣行闌飄舞挹雅步於琴臺坐聞流水字中科斗競落文河筆下蛟

青出子簾

龍爭投學海珠。簾映水風生。曳露之濤。錦石封泥。苔濕
印龜之岸。泛蘭英於戶牖。坐接雞談。下水葉於中池。厨
烹野雁。墜白花於濕桂。落紫蒂於疎藤。雖物序足悲。而
人風可愛。留姓名於金谷。不謝季倫。混心迹於玉山。無
慙叔夜。

入風下。愛澄枝。各飲金谷。水。龍。雲。人。
烹野雁。墜白花。於濕桂。落紫蒂。於疎藤。雖物序足悲。而
人風可愛。留姓名於金谷。不謝季倫。混心迹於玉山。無
慙叔夜。

奏疏

陳言輔治疏

今年閏正月臣以年老奏乞休致奉聖旨卿朝廷老

臣未可輕退宜勉副任用事有當言的盡心來說毋再

固辭欽此臣有以見陛下不欲臣去者非徒欲富貴

也蓋欲臣竭耳目之所見聞盡此心以匡輔聖政

也近因痢疾陳乞容臣調理將印命侍郎署管奉聖

旨准卿調理印照舊掌事又有以見陛下眷愛之專

也有君如是何忍負之伏覩祖訓條章內府各監局

等衙門內官俱有定員各有職掌洪武永樂年間未嘗

明文奇賞

額外濫設其太監等官非歷練老成雖有聰明才俊亦

不輕授近年以來則不然矣前者陛下將內官論年

遞降蓋矯往年濫陞之弊欲復祖宗之舊制誠是也

臣於病中風聞近日又陞一起內官其數頗多不知是

前日遞降者不知另是一起也前既以為濫而遞降之

今何不以為濫而復陞之似乎不可舉措如此其何以

示天下陛下嗣位之初人心歸向如古之二帝三王

本朝開太祖太宗復見於今日莫不稱頌而愛戴之

蓋聞陛下在青宮時存心正大不喜聲色不貴貨利

及登寶位又罷貢獻織造屏去一應珍奇玩好之物

公選錄
國得片舉
本朝偉人

卷之十一
三十一

哨探與兵
馬俱重今
並失之

內取京兵
外取地軍
又八府皆
儲民兵故

夏時也
八府皆
內取京兵
外取地軍

整點器械令知兵武臣管領操候一面選舍人或職官

星馳前去宣府大同會同鎮巡等官哨探大虜卽今見

在何處有無東行消息或俱在宣府地方爪探如果東

行卽將原定三處軍馬就便破行於所擬地方操守遇

賊侵犯相機截殺又恐此虜謫詐聲東寇西彼此不可

不防復慮擁衆之賊三千之兵恐難捍禦但此時達馬

未經控掠不敢馳騁秋涼之後必肆猖獗思得下班官

軍休息已久兵部宜奏遣屬官二員分投前去將德州

并德州左衛天津三衛秋班馬隊官軍催點齊足俱赴

永平聽候武臣提調操守及將河間等并保定等五衛

明文奇賞

卷之十二

三十四

馬步官軍及原選土達俱在本城平山衛官軍亦在本

衛定州衛官軍俱在本州真定等衛并寧山衛及平定

千戶所官軍俱在真定各如法操練若大同宣府聲息

嚴急先將前項各城精銳步軍分散各關口協同守把

其馬軍遇有入關賊寇相機戰守若大虜俱在東路出

沒摠兵等官統領聽征官軍前去勦殺如果西路無事

馬隊秋班官軍該赴京者仍舊赴京其在京春班官軍

若係選作聽征之數者且不令下班留之以實京師

如邊方無大聲息仍令暫且下班不許遠散以應調遣

廢東西二路各有其備倉卒之間不致悞事亦可以拱

護神京但京師者天下之本京師之兵空虛非居重
馭輕保固宗社之計臣以順天保定等府原選民兵
八千餘名先時真定知府張琬大名知府李瓚俱已操
練定堪調用經今數年恐致廢弛萬一賊勢猖獗無復
應援之兵若將此等一體操練則可以振揚威武守護
地方爲京師之援所謂兵不加增而自增者也



此大爲... 京師之... 兵空虛... 非居重... 馭輕保固... 宗社之計... 臣以順天... 保定等府... 原選民兵... 八千餘名... 先時真定... 知府張琬... 大名知府... 李瓚俱已... 操練定堪... 調用經今... 數年恐致... 廢弛萬一... 賊勢猖獗... 無復應援... 之兵若將... 此等一體... 操練則可... 以振揚威... 武守護地... 方爲京師... 之援所謂... 兵不加增... 而自增者... 也

序壯而有
禮誠意初
從高安異
人授書遂
得究其說
古今大英
雖未有湯
然無傳者

華重錄誠意伯文集序
初誠意伯劉公伯溫嘗著郁離子五卷覆瓿集并拾遺二十卷犂眉公集五卷寫情集暨春秋明經各四卷其孫薦集御書及狀序諸作曰翊運錄皆錄梓行世然諸集渙而無統板畫久而寢埋學者病之巡澗御史戴君用與其家薛君謙楊君琅謀重錄迺錄善本次第諸集而冠以翊運錄俾杭郡守張君僖成之屬守陳序嗟乎自昔夷王華夏不過羶一隅腥數載耳惟元奄四海而垂八紀極弊大亂開闢以來未有也公以命世豪傑之才出佐

甲文奇賞

卷之十一

二十六

我華大開闢以來未有也公以命世豪傑之才出助高皇剪羣雄混六合掃百年之胡俗復三代之華風其讜言絃議牘道有來吾蘇忠之屬守刺京師乎自昔夷天衷偉略奇謀拈授羣帥者鼎彛勒之汗青書之四方尚能道之方其未遇也鬱積感憤發之文辭若四獄之出雲無窮若公輸之營衆宇各盡其制若孫武子之師戈甲蔽野而不聞暗鳴叱咤之聲若大海浩漭中畜虬螭鮪鱗菴庵之屬覩者駭愕而莫能名然皆載道之航輪濟世之梁帛時已傳誦之及達而施之朝廟播之華夷垂之百世之下焯乎不可朽也三代之英卓矣漢

以降佐命元勳多崛起草莽甲兵間諳文墨者殊鮮子
房之策不見詞章玄齡之文僅辦符檄未見樹開國之
勲業而兼傳世之文章如公者公可謂千古之人豪矣
而世或疑其任元或獨稱其觀象者是猶訾伊尹之五
就知周公止於才藝而已不已陋乎三御史之重鉞茲
集蓋高山景行之志也守陳之序居培塿而論嵩岱持
土直而寘之夜光朝采之上可乎哉

送閩憲副何廷秀序

金閩之髦華門之俊閔余目夥矣聰敏者或儻蕩廉介
者或迂僻政治文學之兩能者亦何鮮哉刑部正郎何

明文奇賞

卷之十二

三七

廷秀與余交稔矣其容溫其語訥其行端謹而潔清其
文典贍其學博其政治明以達庶髦群俊鮮克與之肩
者茲被命陟憲副于閩閩產若刑部郎李延美者徵余
文贈余所欲贈者無乃廷秀之所飲聞者耶夫憲將以
去不善而納之善也碩鼠食苗詩人所傷閩之文武大
小百司無所謂碩鼠者乎土偶被文繡而坐之民上有
識歎焉百司無所謂土偶者乎童牛羸豕大易有炯戒
矣奸宄寇賊無所謂童牛羸豕者乎魚有陽鱗者鈞則
拔綸錯餌迎而吸之其味薄而不美百司無所謂陽鱗
者乎桑木內有蠹則外若癰酒家之狗猛而噬人則沽

者不至百司之胥史僕隸無所謂桑癰猛狗者乎夫蕭
艾不剪蘭茝不蕃驅蝗鋤草所以茂禾黍也廷秀佐憲
其尚搏碩鼠撤土偶牯童牛芒羸豕屏陽鱗之魚剔桑
癰驅猛狗庶八閩之境百職清元元寧年穀屢稔海波
不驚廷秀之聲光位秩其可量乎昔廷秀之尊考嘗知
溫郡以善政清節名天下累官吏部尚書廷秀之賢有
所自矣紫荷赤管乃其家之青氈也行且復與

其尚搏碩鼠撤土偶牯童牛芒羸豕屏陽鱗之魚剔桑
癰驅猛狗庶八閩之境百職清元元寧年穀屢稔海波
不驚廷秀之聲光位秩其可量乎昔廷秀之尊考嘗知
溫郡以善政清節名天下累官吏部尚書廷秀之賢有
所自矣紫荷赤管乃其家之青氈也行且復與

書

與彭學士書

僕居閩五年矣德薄才劣無裨聖時殊以為愧而來書獎予太過益增慚覩入閩自沙尤之變以來民多桀驁下凌上賤犯貴相帥成風而強宗大族依憑城社暴橫尤甚蓋吾江右所無也郡縣吏寧違上司之令而不敢違勢家一言以為上司不過督責勢家能陷以重罪故也凡為政者脂韋媮媮輒得美譽再歲而遷否則怨誹紛紛或因以得罪僕不能隨俗沉浮一切繩之以法桀驁之風雖少戢已不能無謗矣然謗與譽何足恤哉僕

明文奇賞

卷之十二

三十九

之所慮有如此者今天下且入於弊而未知所以拯之之方此甚可慮也我朝懲前代藩鎮之弊以都司典兵布政司理民按察司執法凡軍戎調發布按二司不得專非有符驗都司亦不聽調平日所以能前却之者恃有三尺法耳一旦有事白刃臨其身厚利誘其心三尺法焉能制愚以為宜稍變舊制特詔布政使按察使兼典戎政而妙選勇畧素著者為都指揮使少寬擅輿之法緩急調發二司得以專之不由中制庶可以防患於未然而救尾夫不掉之弊焉古之善觀國者不觀其國勢之強弱而觀其用人之賢否今則用人賢歟否歟愚

不能知但見陞一官進一秩士論輒譁然曰某以親舊當道而得之或曰某以通書政府而得之或曰某以納賄權門而得之僕始聞之以爲人言不可信徐而察之巧宦者率皆超擢自守者往往淪棄亦不能不信也夫平居之時旣徇利以進身多事之秋肯捐身以報國乎不待智者可知也愚竊謂當崇獎恬退之士抑遠奔競之徒以共振名教於風頽俗靡之際夫知人固未易大抵剛介寡合者君子也善柔易親者小人也於此察之十得八九矣果君子歟拔而用之不必親也不必故也不必識其面也羣居交屬不可信也以此處之庶幾有

招之不來麾之不去之士出焉此二者時弊之大者也閣下官爲學士職號論思時政之孰得孰失人材之孰賢孰否知之素矣經筵進講之餘宜從容陳之使天下陰受其賜可也昔歐陽永叔司馬君實爲翰林院學士所論奏者豈徒發揮經義而已哉舍三公而他取法焉非僕所望於閣下也尊兄少保先生寔秉國鈞古人有云政將及子可不預慮而熟圖之耶閣下試觀今日治歟否歟在廷者孰爲李綱張浚歟居方面者孰爲宗澤張所歟緩急可倚者誰歟臨難不易節者誰歟苟此數者未有其人抱火積薪殆未足愈也乞留意焉

王論曰平太際曲士不足論何藉子而衣思此言也

樂毅論 卷之十二

樂毅不拔之城夏侯太初以為庶幾乎湯武蘇子瞻以為行王道之過余曰不然天下豈有行王道而不興者乎觀人之賢否當先觀其所為之事求其事而不得當先觀其用心之邪正湯武所以伐人之國者曷嘗有利天下之心乎使有利天下之心何以為行王道彼樂毅之師豈出於救民仁義乎為報讎圖利之舉耳下齊之國都宜乎施仁敷義以慰齊父子兄弟之心而遷其寶貨重器於燕齊之民固已怨毅入骨髓矣幸而破七十

關文奇賞 卷之十二 四十一

世人每好為高論而次之

餘城畏其兵威力屈而服之耳非心願為燕之臣也及兵威既振所不下者莒與卽墨毅之心以為在吾腹中可以指顧而取其心已肆其志已息士卒之銳已挫而破城之怨方堅齊民之心方奮用堅奮之人而禦怠肆已挫之讎毅雖有百萬之師不能拔二城矣非可拔而姑存之俟其自服也亦非愛其民而不以兵屠之也誠使毅有愛民之心據千里之城而行仁政秦楚可朝四夷可服况蕞爾之二城哉湯武以一國而征諸國則人豈有不服毅以二小國征二小邑且猶叛之謂毅為行王道可乎太初曲士不足論何蘇子而亦易此言也

流則典刑之故老彼小人者或勸於善或逃於野而天下政治日趨於太平矣所謂小人者陰險姦惡嫉賢妬善納賄招權口蜜腹劍結與援以固寵榮諂言路以規舉劾鮮廉寡恥辱道喪心誤是小人用之必引援惡黨以助奸進拔邪佞以延譽彼君子者甘老死於丘樊不遺羞於名教而天下政治咸墮其術中矣昔林甫懷毒於鷹揚而九齡輩驚心於披免張銳溺於鼓鑄而懷慎輩貧死於蒸毛邪正進退之機否泰於此攸繫此臣奉拳以進君子退小人爲第二義也又其次伏望聖皇上守藩邸之初心念聖靈長之洪祚無以逸遊而啓荒縱

之源無以晏安而忘憂勤之念無溺聲色以蔽精神無嗜禽酒以昏心志無以狂直不識忌諱而爲言路之罪愆無以請謁陰行詭計而致號令之中止無聽甘言陰爲邪佞以延譽無納讒言以防深厚之詐欺惜而賞賚以節民財罷土木以蘇民力選將必登壇之材擁虛品而冒爵賞者無容濫竽練兵必趨關之勇糜廩庾以困征輸者無令蠶食治道與危機一念恒存於意外內脩與外攘大政時加於作新蓋此數者姑舉大凡昔愚臣在講筵之時恒藉以爲諷諫之助後因進講真德秀大學衍義之編竊感隋煬帝荒淫敗國之政又上言曰煬

帝所爲如此。便是禹湯文武之子孫。也要滅絕。况隋無積善之基者乎。狂言犯萬死之誅。先帝無幾微之愠。續叨內閣。忝與政幾同官。悉三壽之良。獨臣乏一得之助。乃退而恭成一疏。思進以仰贊。萬幾屬當休退。未獲進。呈其大意。請聖駕隨時早晏臨御。文華默召輔臣密授。懿旨左右分行。各授紙筆。令其疏寫兩京九卿長貳之賢。能各省撫按藩臬之卓異。卽於各官銜下直書數言。務出知見之真。不墮毀譽之計。又時與六卿長貳之中。或次第以承宣撫巡藩臬來朝。亦不時以賜問。其轄內寮屬之賢。州郡民牧之最。軍民

明文奇賞

卷之十二

四十五

之大利大弊。政務之可革可興。仰答聖問。一如輔臣之例。無事虛文。仰承德意。會萃僉言。繕寫三本。以一留中以備御覽。各以一付之內閣吏部。凡遇繁劇之差。除不次之超拔。更量材品。各委責成。其未在所舉者。照舊循資。自知勉勵。庶才稱其官。官勝其事。擇材於無事之日。獲用於臨事之時。古大臣夾袋之書。古賢君書名御屏之意。聖王清問下民之心。或者亦出於此。

肉食四十餘年。叨闕十有餘載。敢借垂死之筆。少贖枉生之愆。但蟻蝨已弔。湯沐之旣具。犬馬已迫於帷蓋之旣陳。神思荒迷。語言狂悖。石室秘藏。不能啓帝王心印。

之寶篋。雌黃舊筆。亦有愧伏翁口授之漆文。執黃卷以窮言。未得於片言隻字。存白頭之故習。何有於乃志乃心。伏惟俯賜哀矜。曲加採擇。則臣雖死之日。猶生之年也。臣干冒威嚴。不勝隕越。

明文音賞

卷之十二

四六



平也。則干冒。威嚴。不勝隕越。伏惟。俯賜。哀矜。曲加。採擇。則臣。雖死。之日。猶生。之年。也。臣。干冒。威嚴。不勝。隕越。

奏疏

論時政十失疏

李東陽

百從中出
輔臣極度
下手處矣
治亂之關

竊聞委質事君者人臣之常職。託孤寄命者天下之重任。必處常而不失其職，任重而不負其託。然後可以無愧。若徒曠官尸位，而假委質之名，不能扶顛持危，而冒託孤之寄，斷乎其不可也。痛惟孝宗皇帝大漸之時，召臣等至乾清宮御榻前，面賜顧命，諄諄數百言。臣等頓首拜受，不勝嗚啞。彼時司禮監太監陳寬實共聞之，伏自陛下嗣位之初，臣等輔導啓沃，多見施行。少伸報稱，近數月來，往往旨從中出，畧不預聞，有所議擬，徑行改易。詔書不信，政令不中。臣等不敢縷縷姑以其重者言之。商人譚景清等附託皇親，奏討殘鹽，既不肯奉詔還官，又不肯領回原價，挾制朝廷，搖撼官府。沮陛下之美政，累母后之盛德，論其情罪，死有餘辜。且皇親之家，既已辭退，家人引目，此商人者，已不相干，而乃曲爲庇護，寧使帑藏空虛，邊餉匱乏，而不顧此政令之失一也。大同隨征，所聞衝鋒破敵名次，揆之舊制，俱不該載。况紀功官原開按伏，不係對陣侍郎等官，勘得功無顯迹，查無明證，名字不對，多寡不一，而乃查近年弊政，欲陞數百冗員，以官法爲人情，視爵

祿如糞土。此政令之失二也。內府冗員奉旨裁節。僉書守門及分守守備等官減革者百無一二。而海子淨身人又選入千餘。非惟傷財害民。抑且敗壞風俗。至於蟒龍玉帶濫賞無算。大壞名器。尤爲不可。此政令之失三也。御用監書篆缺。人吏部奉旨考選。乃令革退人役。通送本監考校。優劣是不信銓衡之任。而信寵倖之臣。況該部查出革退之人。俱係黃綠傳奉。詔裁革。纔不幾時。遽開此例。則匠官術士。倣倣成風。以邪路爲當行。視詔書爲故紙。此政令之失四也。他如皇莊田土。已令巡撫官查數。又復差官踏勘。取者未回。差者繼

出帶領人役騷擾地方。京畿小民貧困已極。何以堪之。此政令之失五也。駕帖出外。拏人累經各衙門論奏。恐生許僞。近因皇親家人奏訴畿民侵占田土。輒爲出給提解。來京鎮撫司拷問情節。俱與原奏不同。未免親解本處官司。問理牽連。負累破家。蕩產冤若之聲。致傷和氣。此政令之失六也。革興齊玄蠱惑。先帝盜空府庫。一則黃綠分守。屢劾不退。一則奏請追究。止令取回。遷延至今。未正典刑。此政令之失七也。各營執事官軍。及內府軍匠各倉軍卒。俱經奏准。查赴團營。及各衙門。乞留仍復照舊廢營。伍之籍。供私用之門。此政令之

失八也。內承運庫銀兩支銷累數百萬。內府支用不給印票。該庫內官自前查算竟爾不行。司鑰庫銅錢。該部累奏支用展轉推延。至今未發。此政令之失九也。饒州磁器奏。詔蠲免二年。又令起運來用。此政令之失十也。似此之類未易悉舉。臣等坐視無可奈何。或封還執奏不能終止。其爲失職實所難辭。追思先帝臨崩。顧命之言仰念陛下委任舊人之意。若涓埃之力少有。所禪犬馬有知。猶當報德。况主少國疑。四方多事。豈忍潔身去位。自求便安。但忠不足以格君。才不足以濟世。智窮力竭。日甚於前。臣等所陳奉有聖諭。朕便處

治至今未有施行。今所奉聖諭云待斟酌行。是必言無可采。乃使之照舊輔導。亦不過仍前失職而已。先帝赫赫之靈。臨之在上。豈欲其冒輔導之虛名而蹈曠廢之實咎如此哉。陳力就列。不能者止。聞之古人。亦有明訓。與其身自壞之。不若讓之能者。伏望聖明俯垂洞察。諒臣等爲國之心。非由矯飾。正事等失職之罪。特賜罷歸。亟選非常之才。俾任難爲之事。庶可以上回天變。下慰人心。承先帝付託之隆。保祖宗基業之重。

疏

議行武舉疏

劉大夏

武舉始定
于弘治忠
直經濟已
見一班

武舉之設將以延攬英雄廣儲將帥招徠韜晦之士收
拾踈弛之才蓋以古今治天下之具惟文武二道天之
生才以供世用惟文武二藝凡國家求相於文求將於
武亦惟文武二科我朝設文舉足以備一代之彝典
而其網羅之周自闕閱以及草澤不以遠而遺賤而棄
故得人以備任使其用武臣也甄別軍功之大小以為
陞擢之階級內或陟督府之崇班外或膺邊方之重寄
或處於方面之長貳或列於行伍之將帥世享簪纓家

明文奇賞

卷之十二

五十一

足餼廩獎勵武臣作興士氣意甚善矣但求止於武弁
一途凡授鉞推轂非出于貴寵之子弟即拔自行伍之
粗材近歲有保舉將才之例又但據其見有官職之人
其間往往徇名而不責實挽強引重者目為勇敢談說
縱橫者目為謀畧及委以重兵臨以大敵債事者多而
成功者少蓋由求將之意雖勞而選將之路太狹也宋
臣范仲淹有言議者不知取將之無術但云當今之無
將今日之弊殆亦坐此且天之賦人以才詘於文者或
優於武亦不以遠而畜不以賤而限如穰苴生於寒微
吳起困於羈旅樂毅出於疎賤黥布雜於輿臺衛青辱

於人奴去病育於假子若當時非有知識之人爲之汲引豈能自致通顯建功於世而垂稱於後耶今四海之大生聚之繁寧無若斯者在於側陋之間夫武以用將爲先亦猶文以求相爲先孫武曰將者人之司命國家安危之主也司馬曰將不能設無以應卒昔唐知求將之爲重視進士科而增置武舉遂得郭子儀卒成再造之功宋知求將之爲重視制科而詳定武舉遂得狄青令狐挺卒能料元昊之背叛破智高之猖獗蓋異人傑士感奮而興飲氣挾術以赴功名之會此前代故事有足徵也宋臣蘇洵言於仁宗曰文有制科武有武舉陛

下欲得將相於此乎取之十人之中豈無一二此名儒格言爲足徵也茲者適當武舉再開之時臣等見得法制未備禮儀未隆上未足以協旁求之心下不足以副登進之望宋臣富弼請置武舉嘗曰法度齷齪未能致特起之士臣等竊與之異世而同懷也蓋事旣當重則品式宜加詳備恩禮宜從優厚今欲依倣唐宋故事參酌會殿二試事例少加損益每遇文舉鄉試之年亦將武舉預期行移兩京各省令其轉行曉諭如有究極韜畧精通武藝者或隱於山林或育於學校或羈於戎卒或係於仕籍許赴所在官司投報試果可取者禮送兵

部會萃數目請于次年四月開科初較騎射以發九矢
中三矢以上者爲合式二較其步射以發九矢中一矢
以上者爲合式三試策二道論一道優者列職論官以
示崇異其非全材黜之以俟後舉此制一定庶法式昭
宣足以備彛憲禮遇崇重足以激人心凡海內智勇之
士莫不仗劍而起各售其術期以效用於世是驅天下
之英雄而入於吾之彀中陛下屈羣策而用之何愧
之不可敵何侮之不可禦雖鞭笞四夷伸威萬里將無
不如吾意者又何假拊髀而歎思借才於異代也哉

不取善意者又向於... 之英雄而入於吾之彀中... 士莫不仗劍而起各售其術... 示崇異其非全材黜之以俟後舉... 以上者爲合式三試策二道論一道優者列職論官以

傳

湯胤勳傳

程敏政

奇人惜不善用耳○胤勳歿後一日邊驛見有達官呼護而至驛吏不知其為已歿也接見如平時明曰驛中不見一人第有新詩題壁句云胡馬踐來頭似

粉鳥鴉味處骨如柴親知有慮空流淚委于無情不舉哀

湯胤勳字公讓濠梁人其曾祖佐高廟取天下是為東甌襄武王胤勳少負才好使氣貌類河朔人兩眸睜然髭奮起如戟年十五六入學為生徒日記數萬言學有舊版文千餘字胤勳騎馬過一日成誦應天尹下學傳籌召諸生胤勳獨後至當筭大呼折尹聲撼庭木尹愧憤卒筭之胤勳攘袂走出學門題詩府署合扉上有從今袖却經綸手且向江頭理釣絲之句遂去學出遊江湖上凡吳越間豪家富室爭延致之周文襄公轉運

明文奇賞

卷之二十一

五十三

江南聞其名召之至曰王孫能作啟事否胤勳請紙筆即席具狀幾萬言類宿構者皆切當世務文襄奇之上書薦其才有文武具驛召赴京時于少保方督諸軍請試之立胤勳將臺下萬卒環視于公摘古今將畧及諸事舉以問胤勳應對如洪鐘不能屈左右噴噴歎賞于公亦撫寧曰吾子誠有才入對以為錦衣衛百戶正統末英廟北狩朝廷遣使通問已命中書舍人趙榮擇可副者眾舉胤勳詔以千戶如虜虜大酋脫脫不花問中國事云何榮未及對胤勳前語之又時於坐上箕踞岸幘朗誦其所著平胡論虜酋色變既出謂中

國譯者曰彼髯何爲哉恨不殺之耳景泰中詔舉將才胡忠安公言胤勣才可用進署指揮僉事時典兵者多忌胤勣不令治事胤勣亦時時歎息其功名不偶放浪詩酒間京師人率以爲狂所與游最善者侍講徐有貞教授馮益太醫劉溥英廟復位有貞入用事然亦陰嫉其才不推薦之胤勣亦不登其門天順中校事者甚橫李文達公多裁之而文達嘗召胤勣與語胤勣張口論天下事及古今成敗一坐盡傾文達愛其才將薦之校事者遂捃拾胤勣往年在江南受賕事下之獄怒而辱之胤勣詬罵不絕口至詆之爲奴然胤勣寔出息

用文奇賞

卷之十二

五十四

于人而不立券無以自白遂謫爲民荷校出都城故人
有唁之者胤勣仰天笑曰吾子以指揮爲足榮一湯胤
勣邪掉首行弗顧成化初遇需恩復其官再用言者
言詔以裨帥出守孤山堡孤山在延安西虜歲入之
守者多以軍敗黜胤勣得詔曰噫吾死矣夫孤山無
郭有他郡之來戍者七百人戰則爲僨軍守則爲怯敵

明道之先
地

如此雖諸葛武侯復生亦難乎免矣抵鎮草封事數千
言大率謂不朝廷宜先城孤山聚糧糗募壯士又移書
當路言狀遂憤憤吐殷血數升臥不能起丁亥虜入寇
臣將閉城門不出兵虜大掠子女而東胤勣怒髮上指

雖絕不可
爲訓然亦
字內一大
奇事

曰。於國分也。力疾而起。戎服跨馬。率麾下百餘人。邀虜於境上。力戰數十衆。寡不敵。遂歿。山下是年八月也。胤勳爲人。軒豁倜儻。直欲起古豪傑。與之友。視世之瑣瑣者。以爲齷齪不足與語。好以氣雄人。不問名位卑顯。有不可意。奮然去。不顧。或遂罵之。至其人面赤。不少貸。甚有捶之者。江陰知縣弗利於民。將受代。胤勳率少年數人。直入縣廳。反縛之。狀其罪。送之上官。上官大駭。并收。下獄。凡數歲。會赦。乃得釋。夏郎中時正嘗於坐上。與之藏鉤不勝。而怒語侵胤勳。胤勳就坐上。摔之下。拳之。蹴之。衆客爲之股栗。又嘗過友人家。見道士在坐。與語不

明文奇賞

卷之十二

五十五

合而罵之。道士不知其胤勳也。稍稍有憾色。胤勳捶之。幾歿。與人言出入經史。子藉縱橫闖閭。隨意所如。有問古名將者。胤勳以張巡。岳飛爲第一。其人曰。岳將軍則聞命矣。張睢陽何如人。胤勳瞋目曰。子不觀其對令狐潮之語乎。卿未識人倫焉。知天道自唐以下。誰有爲此語者。其所見如此。詩豪邁奇倔。如風雨晦冥中。電光翁焘使人不敢正視。又如雷斧斷崖石。下墜不測之淵。觀者褫魄。每就人席上。操觚立成。數十張。有名能詩者。多爲其所懾。或不能措一語。以遯。平生著述有五雲清唱風雅遺音。東谷集。千餘卷。無子。史官曰。予少與胤勳游。

宋太祖太宗授受辯

論公言宋太祖疾篤不后遺繼感召德芳繼召晉王入見其可據止此

太祖太宗授受之際所以致後世之疑者誰乎曰李燾
崩潤湘山豎錄而啟之陳桎附會涑水紀聞而成之不
深考者以為實然耳夫事出于兩人所記不同者當視
其人溫公可據之人也溫公可據則文瑩可出召德芳
之事存則留宿之事無矣或曰太宗於太祖崩不踰年
改元宋后崩不成服廷美德昭不得其死皆足以追證
燭影之疑。又是不深考之故也。就使不踰年改元。宋后
崩不成服。德昭之死。皆出太宗。則亦未可以將來之不

明文奇賞

卷之十一

五十七

善而遂逆探其有無將之心。加之以無名之罪也。凡古
之篡弒者多出深讐急變大不得已之謀。又必假手他
人。然後如志。未有親自操刃為萬一僥倖之圖于大內
者。觀太祖太宗如灼艾分痛。與夫龍行虎步之語。始終
無纖芥之隙。太宗何苦而為此。舍從容得位之樂。而自
處于危亡立至之地。病狂喪心者所不肯為。凶殘絕世
者所不忍為。而謂太宗為之。斷乎其不可信也。夫傳疑
史法也。苟無疑。可存則亦何必據拾小說強為之辭。以
滋後世無窮之惑。此燾桎之罪也。予之所取信者自溫
公紀聞之外。一無取焉。

致語

甲辰元夕節宴奉天皇太后致語程敏政

伏以時當泰運重三五之佳辰孝奉慈闈祝萬千之聖壽瑞騰鶴禁喜溢龍顏恭惟皇太后陛下受性弘仁貽謀高遠慶覃孫子比周室之邑姜福備天人類璠池之王母制不稱於宮壺化已洽於家邦矧四方書大有之年式光寶訓宜九重慶上元之節先進霞觴朱絃繚亮協應韶鈞御燭熒煌昭回星斗山形葱蒨駕海上之六鰲烟影迴環走人間之八駿清歌妙舞以次而迭奏境隔仙凡玉饌珍羞雜然而前陳味窮水陸極天下一

明文奇賞

卷之十二

五八

人之養奉內前一日之權臣等粗以賤工叨居法部窺月中之火樹疑新開不夜之天分霜後之黃柑知樂共長春之宴欲宣勝事敢貢芻言長樂宮中啟御筵六鰲山下擁祥烟三春景重元宵節四海人歌大有年彩仗近移風力軟珠簾初捲月華圓霞杯滿獻觀燈酒樂奏昇平第一篇

元夕節宴奉天皇太后致語皇太后陛下伏以時分四季惟春季當和樂之時節有三元顧上元乃繁華之節宜張御宴末奉宸權况一歲之豐登有先朝之故事恭惟皇帝陛下秉寬仁恭儉之德受高明

膏誓之姿天縱多能上師孔子日新舊學遠慕湯玉祥
刑不及於非辜卹典屢施於無告南郊禮備特牲才胙
於尚方非塞塵清虎旅又歸於宿衛調春臺之玉燭實
在此時放夜禁之金吾豈妨正務銀花玉樹徹應鰲山
鼉鼓龍笙少延鳳駕侍臣立紅雲之殿尚食進紫霞之
觴聖齡願保於萬年健隨天運節假已開于十日樂與
人同盼明月之光輝喜良宵之未艾臣等猥以未技叨
預伶官禮太乙貴神於六宮之中想周旋於遠旦獻昇
平妙曲於兩階之下愧聲調之入雲欲罄下情敬陳俚
語寶歷初開二十巡上元風景一回新千株火樹連

明文青賞

卷之一二

五九

西苑萬點星毬擁北辰金剖黃棋傳令節調翻白雪應
陽春聖心願比光明燭滿賜餘輝及庶民

盡讀諸學史取鳳凰科引立珠雲之殿尚食並紫霞
在血和於齊禁麥金音道越正格以武生出必

07209

和律文交天雖之說不願其平其流其等恭



